



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sancti Agobardi Archiepiscopi Lvgdvnensis Opera

Agobardus <Lugdunensis>

Parisiis, 1666

Liber adversùm dogma Felicis.

urn:nbn:de:hbz:466:1-14678



S A N C T I
A G O B A R D I
A R C H I E P I S C O P I
L V G D V N E N S I S
L I B E R

*ADVERSVM DOGMA FELICIS
Episcopi Vrgellensis.*

Ad Ludovicum Pium Imperatorem.

CH R I S T I A N O R V M religiosissi-
mo , benignorum benignissimo ,
mansuetorum tranquillissimo , Chri-
sti amatori , ideoque victori ac
triumphatori piissimo Augusto , Domno glorio-
sissimo Hludovico Imperatori , Agobardus
quidam ex ultimis fidelibus servulis vestris ,
subterannexum opusculum sincerissimo ac sub-
tilissimo sacróque acutini prudentiæ vestræ
djudicandum direxi : quod edidi vel potius col-
legi adversus novam , immo ex veteri redivi-
vam , hæresim , propter quosdam , quibus illud
expedire putavi , sicut ibi latius continetur .

A

2 S. AGOBARDI LIBER

Pie igitur rector & domine, caput orbis, decus mundi, catholicorum omnium insignis gloria.
tio, qui inlustratis fidem, propagatis & pacem; obsecro mansuetudinem vestram, ut in contemplationem filij Dei, qui vestrum juvat imperium, præfatum opusculum perlustrare non de dignemini, ut vestro acerrimo ingenio probetur, aut improbetur. Quia si probatur, illis, quibus profuturum est, ad legendum commendatur; si autem improbat, auctor ejus per vos emendatur. Apostolica namque doctrina omnes hortatur crescere in cognitione Domini nostri IESU CHRISTI, omnes jubet paratos esse ad satisfaciendum eis qui rationem poscunt de ea quæ in nobis est spe. Sacerdotem quoque esse vult amplectentem eum qui secundum doctrinam est, fidelem sermonem, ut potens sit exhortari in doctrina sana, & eos qui contradicunt arguere. Quod si semper sectandum fuit quanto magis nunc, quando jam propinquum esse cernimus tempus illud de quo Dominus loquitur: *Veruntamen veniens filius hominis, putas inveniet fidem super terram?*

1. Petr. 3.

Tit. 1.

Luc. 18.

I. POST obitum Felicis illius qui fuerat quondam Episcopus in sede Orgelletana, inventa est à nobis quædam scedula ab eo edita sub specie interrogationis & responsionis: quam cum legentes consideraremus, inspeximus hominem diligenter & fraudulenter instaurasse, quantum in se fuit, omnem pravitatem dogmatis sui, in qua dudum fuerat detenus & convictus, & propter quam ab honore

A D V E R S Ú S F E L I C E M . 3

episcopatus depositus. qui licet aliqua verba,
quæ prius imprudenter efferebat , postea sup-
pressorit , aliqua tamen nunc addidit , quæ tunc
reticuit. Quam scedulam ego , ut potui , jux-
ta veritatem fidei cum reprehendissem , vel
reprehendendam publicassem , quidam ex
fratribus , ut comperi , indignè tulerunt ; &
non perversitate animi , ut puto , sed simili-
citate ingenij , arbitrati sunt me non id fecisse
zelo fidei , sed zelo invidentiæ ; sicut mo-
ris est eorum qui inanis gloriae cupidi , idcirco
bonis detrectant , ut se illis superponere nitan-
tur ; & si detractionibus obtinuerint ne illi ad-
mirentur , isti admirationis gloriam consequan-
tur. Et quoniam non desunt inter nos tales qui-
bus necesse sit & integritatem fidei cognoscere ,
per quam valeant malum perfidiæ declinare , &
rectis judiciis obtemperare , ut mereantur in
dogmate pietatis proficere ; opportunum puta-
vi ea quæ prædictus vir malè sensit , exagge-
randa adsumere , & verbis ejus , in quibus à ve-
ritate fidei excessit , sanctorum Patrum senten-
tias opponere ; ut quisquis dignatus fuerit lege-
re , agnoscat qua cautela catholicæ veritatis pu-
rissimum sensum sequatur.

II. Non ego hoc doctis & eloquentibus vi-
ris , qui cuncta hæc optimè dijudicando , pro-
banda aut improbanda demonstrare sufficiunt ,
dico , qui forsitan nec dignabuntur legere hoc
opus , rustica simplicitate compositum ; sed
meis similibus , quibus verè scio expedire ut fi-
dem suam subtilissimè corrigant ; qui incautè
admirantes vitam prædicti Felicis , probanda
putant cuncta quæ dixit ; nescientes quia non ex

A ij

4 S. AGOBARDI LIBER
vita hominis metienda est fides, sed ex fidē probanda est vita. Quanquam enim multi bene credentes, malē vivendo pereant; nullus tamen malē credens, bene vivendo salvatur. Solius enim omnipotentis Dei est nosse occulta hominum, vel quis cum reprehensibili vita humilem mentem gestet, aut quis cum laudabili vita superbam. Neuter enim perfectus est. Sed quis ē duobus magis auctori dispiceat, illi soli suppetit nosse. Scimus namque quia qui infirmitatis suæ bene sibi sunt conscij, sanctos se esse, etiamsi ab alijs dicantur, non credunt. Qui autem propter bonam conversationem, dum laudantur ab alijs, sanctos se esse confidunt, & idoneos se putant ad judicandum ceteros, & alios quidem propter vitam carnalem, alios autem propter fatuitatem sensus despiciunt, omnibus tamen in commune detrahunt, non possunt illi placere qui dixit: *Discite à me quia misericordia sum & humilis corde.* Qui autem verè placere Deo curat, subiciat animam suam Deo cum omni humilitate. Fides est enim prima quæ subjugat animam Deo, deinde præcepta vivendi; quibus custoditis, spes nostra firmatur, & nutritur caritas. Cùm ergo cognitio & actio beatum hominem faciant; sicut in cognitione vitandus est error, ita in actione cavenda est nequitia.

III. Quamobrem obsecro dilectionem vestram, quibus hoc opus necessarium esse dico, non vobis iniciant fastidium verba simplicia; sed potius delectet vos puritas fidei. Quoniam in verbis differentium, ut quidam Patrum ait, veritas amanda est, non verba. *Quid enim pro-*

Math. 11.

A D V E R S Ú S F E L I C E M . 5

dest clavis aurea , si aperire quod volumus non potest? Aut quid obest lignea , si hoc potest, quan- do nihil querimus , nisi patere quod clausum est?

*August. de
Doctr. Chr.
Stian. l. 4. c. ii.*

Qui autem omnino designatur legere nostra, habet hic sufficienter sanctorum Patrum sententias adnexas , quibus conferat sensum Felicis. Tantum non negligat ad earum regulam fidem suam purificare : quia , ut beatus Athanasius ait , fidem catholicam nisi quis integrum inviolatamque servaverit, absque dubio in aeternum peribit. Et ut alius Doctor dicit , sicut virginitas carnis , corpus intactum est ; ita virginitas animae , fides incorrupta. Ait etiam : Sic est veritas Christus , ut totum verum accipiatur in Christo , verum

*August. in
Psal. 147.*

*Idem Tracta-
tu 8. in Evan.
Ioan.*

Verbum Dei , Deus aequalis patri , vera anima , vera caro , verus homo , verus Deus , vera nativitas , vera passio. Si aliquid hic dixeris falsum , intrat putredo , de veneno serpentis nascentur vermes mendaciorum , & nihil integrum remanebit. Quia ubi fuerit falsi alicujus corruptio , ibi veritatis integritas non erit. Valent autem multum ad perpendendam subtilitatem veritatis , quæ dicturus sum in hoc loco ; si tamen competenter valuisse explicare quæ dico.

I V. Nestorius hæreticus sic duas naturas in unico filio Dei Domino nostro IESV CHRISTO dividit ac separat , ut in disputatione dogmatis sui sic de uno quasi de duobus loquatur , quasi alium suspicans Deum Verbum , alium Emmanuel , licet plerunque unam horum fateatur personam. E contrario autem Eutyches in dogmate suo sic de unici filij Dei loquitur singulari persona , quasi de una substantia. Et quamquam sempiternam divinitatis ejus nativitatem

A iij

confiteatur, temporalem quoque humanitatem non neget; ita tamen utramque substantiam permiscet atque confundit, ut unam tantummodo praedicare intelligatur. Cum ergo utrumque, id est, Nestorium, & Eutychem, veritas fidei abiciat, quae medium inter eos tenet locum; beatus Cyrillus, ejusdem veritatis defensor, Alexandrinus Antistes, dum vellet corriger pravitatem Nestorij, propter obscuritatem verborum, utpote subtilissimae rei, offendit beatum Iohannem praefulem Antiochenam Ecclesiae, & eos qui cum illo erant; factaque est divisio inter Antiochenam & Alexandrinam Ecclesiam. Rogatus est autem ab Antiochenis Theodoretus Cyrri Episcopus, ut ageret adversum beatum Cyrrum. Et mirum in modum, dum utrique essent catholici, id est, & Antiocheni, & Alexandrini, beatus Cyrillus dum putatur esse haereticus, quod non erat, inventus est a Theodoreto inter Nestorium haereticum & Cyrrum catholicum medius locus unde idem Theodoretus pugnans pro veritate, ageret contra veritatem; qui dum istis catholicis placeret, illis displiceret. quod tamen, Deo auxiliante, Iohannis & Cyilli industria correctum est.

V. Hæc itaque idcirco ad medium deduxi, ut quam subtiliter, quam humiliter, quam veraciter, quam timidè fidei veritas inquirenda sit, follicite perpendamus. Igitur antequam de eis quæ praeditus Felix scripta reliquit disputemus, præmittendum video, quomodo proprijs verbis quibusdam, adhuc vivens, aliqua improbanda persuadere conatus est. Cœpit aliquando,

ADVERSUS FELICEM. 7

ut dixi, quosdam docere, ut crederent Dominum nostrum IESVM CHRISTVM, secundum carnem veraciter nescisse sepulchrum Lazari, cum diceret sororibus ejus, *Vbi posuistis eum*, & veraciter ignorare diem Iudicij, veraciter etiam ignorasse quid conferretur a duobus discipulis ambulantibus in via de his quae facta fuerant in Hierusalem, veraciter quoque ignorasse utrum plus diligeretur a Petro, quam ab alijs discipulis, cum diceret, *Simon Petre, amas me plus his?* Hoc ut cognovi, accessi ad eum coram ipsis quibus ista suadebat, & interrogavi eum, utrum ita prorsus sentiret. Quod cum confirmare tentaret, objurgavi eum, & detestatus sum pravos sermones ejus; ostendique, ut potui, ceteris qua custodia ista repudiarent, & quo sensu loca illa Scripturarum intelligere deberent; ipsique Felici sumptas sanctorum Patrum sententias, quae blasphemiiis ejus contrarent, legendas direxi. Quibus lectis, promisit se omnis emendationis diligentiam sibi metabitur. Propter quam rem silenter eum dimittens, non putavi necessarium esse easdem blasphemias ejus in exteris publicandas, quia nec ad me pertinebat.

VI. Post mortem vero ejus, cognovi per quosdam fideles fratres, qui ab illo audierant, quod dixerit Deum Dei Patris filium nullatenus dici debere passum, aut crucifixum, sed ab eo hominem assumptum; confirmare hoc nitens exemplo Isaac, qui a patre ductus ad immolandum, non ipse sed aries pro eo est immolatus; tanquam in Isaac figuratus fit filius Dei, & in ariete filius hominis. Hac autem faciebat

A iiij

*Iean. 11.**Iean. 21.**Genes. 22.*

8 S. A G O B A R D I L I B E R
sæpedictus Felix, quia nullatenus adquiescebat
sentire, nec suadere sibi met ita valebat, ut cre-
deret in uno Domino nostro I E S V C H R I S T O
duarum naturarum unionem substantialiter
factam, & Deum Verbum secundùm subsisten-
tiam carni unitum; sicut liquidò in consequen-
tibus ex verbis illius apparebit. Contra quæ &
nos obviantia sibi testimonia sanctorum Pa-
trum, Deo auxiliante, posituri sumus. Timens
enim permixtionem Eutychetis incurrere, cor-
ruit in divisionem Nestorij. Sed quia eum, de
quo sermo est, corruisse diximus in Nestorij
pessimam divisionem, opportunum puto esse in
hoc loco ponere sententias Nestorij, antequam
ad hujus dicta discutienda veniamus; ut pru-
dens lector cognoscere valeat quam consona
Felix Nestorio senserit, & ubique malè
utramque in uno Domino dividit substantiam,
& confudit iterum quasi ad unitatem personæ
dicendo, *Unus tamen in utroque, non duo,*
quantum & in hoc eundem Nestorium imi-
tetur.

VII. Nestorius dicit Dominum, [Spiritus
sancti virtute in virginis vulva formatum, fa-
ctum ex muliere, & factum sub lege, ut omnes
nos à servitute legis redimeret; antè jam præ-
destinatum, adoptionem accipientem, inenar-
rabiliter sibi met vivens, mori quidem eum se-
cundùm legem humanam faciens, suscitans ve-
rò ex mortuis, & perducens in cælum, & con-
federe faciens ad dexteram Dei, unde super om-
nes constitutus principatus, & potestates, & vir-
tutes, & dominationes, & omne nomen quo
nominatur, non solùm in hoc seculo, verùm

ADVERSÙS FELICEM. 9

etiam & in futuro, ab omni creatura accepit adorationem, sicut inseparabilem à divina natura habens copulationem, relatione Dei & intelligentia omni creatura adorationem exhibente. Et neque duos filios dicimus, neque duos Dominos; quoniam unus filius Patris secundùm Verbum Deus unigenitus filius Patris, sicut iste conjunctus & particeps constitutus filio communicat nomine & honore, Dominus secundùm essentiam, Deus Verbum, cui iste conjunctus honore communicat. Et ideo neque duos filios hos dicimus, neque duos Dominos; quia manifesto constituto secundùm substantiam Domino & Filio, inseparabilem tenet ad eum copulationem, qui causa nostræ salutis assumptus confertur nomine & honore filio & Domino; non sicut unusquisque secundùm seipsum constitutus est filius, unde & multi secundùm beatum Paulum dicimur filij; sed solus præcipuum habens hoc quod ad Dei Verbi copulationem, adoptionem, & dominationem participans, auferens quidem omnem suspicione dualitatis filiorum & Dominorum, præstatu vero nobis in copulatione ad Deum Verbum omnem haberet ipsius fidem & intelligentiam & theoriam, pro quibus & adorationem pro relatione Dei ab omni suscepit creatura. Vnum igitur filium dicimus & Dominum IESVM CHRISTVM, per quem omnia facta sunt, principaliter quidem Deum Verbum intelligentes substantialiter filium Dei.] Iterum idem Nestorius: *Si quis eum qui est Emmanuel, Deum verum esse dixerit, & non potius Nobiscum Deus, hac est, inhabitasse eam qua secundum nos*

10 S. AGOBARDI LIBER

est naturam, per id quod unitus est nostræ quam de Maria virgine suscepit, & post aliqua subjecit, anathema sit. Item ipse: *Si quis unum esse post adsumptionem hominis, naturaliter Dei filium audet dicere, cum sit Emmanuel, anathema sit.* Item ipse: *Si quis post incarnationem Deum Verbum alterum quempiam præter Christum nominaverit, & post pauca subjunxit, anathema sit.* Et item: *Si quis hominem qui in virginem creatus est, hunc esse unigenitum dixerit, & post pauca subjunxit, anathema sit.* Ecce habes sententias Nestorij: quas si & in conjunctione personæ, & in divisione naturarum, verbis Felicis conferas, invenies eos uno sensu incedere.

VIII. Videtur mihi etiam vestra caritas commonenda de hoc quod Felix frequenter gaudet dicere *hominem adsumptum*, vel *formam servi*. Quanquam enim & piè dici possit, sicut & frequentissimè dictum à sanctis Patribus invenitur; tamen considerandum est quòd etiam impiè dici possit, secundùm quod in Nestorio hæc verba nostris displicuerunt. Ad quod B. Cy-

Cyrillus in defensione xxi. Anathem adversus Theodoretum, cap. 8.

rillus ita respondit: *Nos quæ meliora & veriora sunt sapere consueti, & subtiliores contingentes intellectus ad explanationem sacramenti, scientiamque perfectam, & secundum sacrarum placitum litterarum, & mansuetudines sanctorum Patrum, non hominem adsumptum dicimus à Deo Verbo, & copulatum ei secundum habitum extrinsecus, sed potius hominem factum esse decernimus. Hac itaque gratia à pietate dogmatum dicimus excessisse eos qui præsumunt dicere adsumptum hominem, & adfirmant oportere eum sicut alterum alteri coadorari filio Dei.* Item ipse: *Factus est i-*

A D V E R S Ú S F E L I C E M . II

ter homo , non adsumpsit hominem , sicut Nestorius placet . Et ut crederetur quia factus est homo , manens quod erat , videlicet Deus , juxta naturam ; idcirco & esurire dicitur , & ex itineris labore laf- sessere , & cetera .

I X . Dixit itaque Felix in suprascripta sua scedula , post aliqua quæ præmiserat , quasi interrogans : *Deus pater omnipotens , voluntate genuit filium , an necessitate?* & respondit : *Quan-*
tum ad divinitatis ejus essentiam pertinet , neque
voluntate , neque necessitate , sed natura . In vero
quippe filio de substantia patris genito , voluntas
nativitatem præire non potest , ubi natura præce-
dit . Sed neque necessitate , quæ in Deo utique non
est . Quantum verò ad humanitatis ejus substan-
tiam convenit , eundem filium suum , quia non ex
semetipso genuit , sed de substantia matris virgi-
nis creauit , & nasci voluit , ob hoc , voluntate
propter redemptionem nostram , non qualibet ne-
cessitate ejus filius creditur .

X . In hac sententia Felix primùm ex inter-
rogatione superflua & vana , qua interrogat
utrum voluntate an necessitate genuerit Pater
filium , occasionem sibi parat pervenienti ad id
quod malè sentit , & loquendo explicare non
audet . Dicendo namque , *In vero quippe filio de*
substantia patris genito , ita dividit divinitatem
ab humanitate in Domino , ut eam in sola divi-
nitate dicat verum filium , in qua & de patris
substantia est genitus ; juxta humanitatem au-
tem , in qua & dicit illum de substantia matris
virginis creatum , sentiat eum non verum , licet
loquendo explicare non audeat . Apparet enim
hæc fraus in eo quod sic de substantia divinitatis

12 S. AGOBARDI LIBER
loquitur, quasi de alia persona præter humanitatem. Dicens namque de sola divinitatis substantia, *In vero quippe filio*, vult demonstrare non eum esse in utraque substantia verum filium. Quod autem interponit dicens, *Voluntas nativitatem preire non potest ubi natura præcedit*, apertissimum mendacium profitetur. In omnipotente enim & sempiterno Deo omnia sempiterna sunt; neque ei qui fecit tempora, aliquid accessit ex tempore. Naturæ enim quæ initio caret & incremento non indiget, quod est habere, hoc esse; & quod est esse, perpetuum est; & sicut nullum finem, ita nullam recipit mutabilitatem. Non ergo in illo natura præcedit voluntatem, neque voluntas consilium, neque consilium verbum; quia sicut nunquam fuit sine verbo, ita nunquam fuit sine sapientia, sine consilio, sine voluntate, vel quicquid de Deo veraciter dici potest.

XI. Nos autem Dominum nostrum, unicum filium Dei, sicut verum Deum confitemur, ita & verum filium credimus; quia non est alter ex patre, & alter ex matre; licet aliud sit divinitas, & aliud humanitas; sed idem ex utroque unus & verus, beato Cyrillo nos ita docente: *Vnus ergo filius, unus Dominus Iesus Christus, & ante incarnationem, & post incarnationem. Non enim alter est filius Verbum Dei Patris, & alter iterum qui de sancta Virgine natus est; sed idem ipse qui est ante secula Deus, etiam secundum carnem ex muliere creditur editus. non quod ex ea initium deitas ejus acceperit ut sic, aut subsistendi principium de sancta Virgine sumpserit; sed potius, ut dixi, quod Verbum subsistens anto*

secula, secundum carnem dicitur ex ea progenitum. Propria enim facta est ejus caro, sicut & singulis nobis est proprium corpus.

XII. Quod autem totus verus Deus cre-
datur, ita ipse beatus Cyrillus docet: *Si quis* Cyrillus
Anath. I.
non confitetur Deum esse secundum veritatem
Emmanuel, & propterea Dei genitricem sanctam
Virginem genuisse eum carnaliter, carnem factum
ex Deo Verbum, anathema sit. Et iterum: *Di-* Idem in De-
clar. xii.
cimus autem carni animam habenti rationalem
unitum Verbum, sed ultra mentem, & ineffabi-
liter, & sicut solus ipse novit. Ergo permanxit Deus
& in adsumptione carnis, & est unus filius Dei &
Patris Dominus noster Iesus Christus; idem ipse
& ante omne seculum & tempus, secundum quod
intelligitur Verbum & splendor substantiae ejus,
& in novissimis temporibus dispensative homo
popternos. Item ipse: *Factus est caro ex Deo Pa-*
tre Verbum, non per transitionem aut conversio-
nem suae naturae, sed propriam faciens carnem ex
sancta Virgine sumptam, unusque & idem ap-
pellatus filius, ante humanationem quidem sine
carne adhuc Verbum, post inhumanationem vero
idem incorporatus. Item ipse: *Nestorio igitur*
ubique perimente Dei verbi secundum carnem
nativitatem, & solarum nobis dignitatum unita-
tem introducentem, hominemque Deo copulatum
dicentem filiationis homonymiam, hoc est, univo-
catione honoratum; necessario nos dictis illius re-
pugnantes secundum subsistentiam unitatem di-
cimus factam; hoc secundum subsistentiam, ni-
hil aliud declarantes, nisi quod sola Verbi na-
tura sive subsistentia, quod ipsum Verbum hu-
manae naturae secundum veritatem unitum, sine

Idem in Def.
xli. Anath.
adversus
Theodor.
cap. 2.

illa conversione atque confusione, sicuti sape diximus, unus intelligitur, & est Christus, idem Deus & homo. Item ipse: *Vnum atque eundem adorantes*; quia non alienum corpus à Verbo, sed ei magis est proprium, cum quo consedet Patri; non sicut duobus filijs consedentibus, sed sicut uno cum carne propter unitatem. Si verò subsistentiam unitatem recusamus, irruimus ut duos filios prædicemus. Necesse est enim cuncta dividere, & dicere hominem quidem specialiter filij prædicari, & rursus specialiter Deum Verbum filij nomen atque appellationem naturaliter habere. Non ergo in duos filios unus Dominus Iesus-Christus dividendus est. Nullo modo enim oportet rationem rectæ fidei sic habere, sed nec personarum unitatem, sicut aliqui opinantur. Item: Processit homo ex muliere, Deus esse non desinens, & ex Deo patre esse progenitus, sed in assumptione carnis, quod fuerat perseverans. Istud allegat ubique subtilis fidei ratio. Item ipse: *Cum scriptura divinitus inspirata unum dicat filium, atque Dominum. Quocirca post ineffabilem unitatem, si Deum nomines Emmanuel, incarnatum & hominem factum intelligimus nos ex Deo Patre Verbum. Si ve hominem dicas, nihilominus illum ipsum in mensuris humanitatis participatum dispensative cognoscimus. Factum verò dicimus palpabilem qui impalpabilis est, visibilem qui invisibilis est.* Non enim fuit extraneum ei unitum ipsi corpus, quod etiam dicimus esse palpabile & visibile. Qui autem ita non credunt, distinguunt autem, sicut dixi, subsistentias post unitatem, & puram eis copulationem subintelligunt secundum solam dignitatem sive auctoritatem, alienat eos ab his qui recte

sapere consueverunt præsens anathematismus.

XIII. Interrogat Felix, *Vtrum Maria Virgo Deum & hominem, sicut pariter, ita & similiter genuit; an aliter genitrix deitatis, & aliter humanitatis esse credatur.* Respondetq; sibimetipsi dicens: *Licet eadem gloria Virgo Dei & hominis genitrix fideliter credatur; aliter tamen Dei genitrix, & aliter hominis recte profitetur.*

XIV. Ad hæc verba nos respondemus, quod non solùm sint blasphema, & omni odio digna, verùm etiam nova & inaudita. Quomodo enim aliter Dei genitrix, & aliter hominis esse potuit? Certè Deum genuit incarnatum, cui uni uno est modo genitrix, non duobus; eo scilicet quo Deus in illa & ex illa factus & natus est homo. Nec est usus catholicus, hominis eam genitricem nominare, sed semper Dei genitricem. Si Deus homo factus, ex illa natus est, duobus utique modis non est natus. Nam si duobus modis nasceretur, duabus & vicibus nasceretur, quod dici nefas est. Immo si aliter Deus ex ea, & aliter homo natus est; duo sunt, alter Deus, & alter homo, id est, non idem Deus qui homo, nec idem homo qui Deus. Nestorius hæreticus, qui ita sensit, non dixit Deum ex Maria natum, sed hominem ex semine David. Iste autem, si catholicus esset, unum eundemque esse & Deum & hominem, & unum uno modo, & semel tantum natum crederet. Si autem esset Nestorianus, aut Paulianista, sive Photinianus, solum hominem crederet ex ea natum, & semel tantum. Nunc autem quia dicit sanctam Virginem aliter Dei esse genitricem, & aliter hominis, ego puto quia sicut nec usitato more loqui-

16 S. AGOBARDI LIBER
tur, ita nec catholico. Certè catholici præd-
cant Dominum nec in divinitate habere ma-
trem, nec in humanitate patrem. Iste autem qua-
ratione sequestrando ab humanitate divinita-
tem, aliter eam Dei, & aliter hominis genitri-
cem esse credit, & hīc ex parte aperit dicendo,
Natura quippe humanitatis adsumptæ propriam
eam esse genitricem, Dei verò matrem gratia &
dignatione divinitatis factam, & in subsequen-
tibus & peius & evidentiūs patefaciet, ubi &
nos oportuniūs ad ista responsuri sumus.

XV. Nunc autem quia aliter Dei & aliter
hominis eam genitricem dicit esse, cùm nun-
quam fuerit usus in ratione fidei hominis eam
genitricem nominari, quippe cùm nec mirabile
sit, cùm certè omnium hominum matres ho-
minum genitrices sint, illa qualiter hominis fa-
cti, id est, Verbi caro facti genitrix prædicetur,
ex sanctorum Patrum sententiis audiamus. Ait
namque præcipuus ille expugnator Nestorianæ
impietatis doctissimus & beatissimus Cyrillus:
Affirmamus igitur ex Deo Patre Verbum in ad-
sumptione factum, sanctæ & animatæ carni uni-
tum, secundum veritatem inconfusè ex vulva ip-
sa processisse hominem, permansiſſe autem etiam
secundum Verbum. Ideoque & Dei genitrix est
sancta Virgo. Superfluum autem arbitror oportere
existimandum, & hominis genitricem eam dici.
Siquidem eſſent aliqui ex multa nimis vəſaniaſ
qui dicarent Dei Verbi naturam, fontem velini
quendam & propria eſſentia principium habuisse
carnem. Fortè fuisset aliquando non absurdā &
contemnendaratio volentibus eam etiam hominis
nominari oportere genitricem. Quia verò abomi-
nabilu

nabilis & odiosa quidem apud omnes est hujusmodi sententia, intelligiturque non aliter Dei genitrix sancta Virgo, nisi primò susceperit quisquam fidem, hoc est, quia factus est caro, hoc est, homo Verbum ex Deo Patre. Non enim quodammodo divinitatem nudam, sicuti dixi, peperit Virgo. Quæ hujus instantiæ videtur utilitas dicentium oportere nominari eam & hominis genitricem. Sed, sicut apparet, inventa quedam ab eis est contra Christum hac machinatio. Non enim patiuntur sapere, vel dicere ipsum qui ex Deo Patre est ante secula filius, in novissimis seculi temporibus inconfusè, inconvertibiliter ex vulva unitum carni animam habenti rationalem, sicque factum nostrum secundum hominem.

XVI. Iterum post aliqua interrogando Felix querit, Vtrum Christus Dominus in utraque natura similiter sit filius Dei, an dissimiliter. & subjungit respondendo, non similiter, sed dissimiliter. Querit deinde, quo ordine id fiat. & respondendo affirmat dicens: *Quia sicut in se continet duas naturas, id est, divinitatis suæ, & humanitatis nostræ, ita duobus modis unus creditur Dei filius.* In quo loco obsecro & ammoneo lectorem, si tamen fuerit qui legere dignetur, ut penset attentè quod dicitur. Suprà dixit sanctam Virginem aliter Dei esse, & aliter hominis genitricem. Nunc dicit duobus modis esse filium Dei Dominum nostrum, & in ipsis dissimiliter. Ecce quatuor modi, & inter se dissimiles, quibus dicit Dominum esse filium Dei patris, & hominis matris. Forsitan qui plura quam ego legit, invenit aliquid huic rei simile. Ego tamen neque in catholico neque in

hæretico dogmate hujuscemodi rem legisse
novi. Sed inspiciamus & sequentia, utrumne al-
istos quatuor modos & alios plures augeat.

XVII. Interrogat itaque Felix dicens, *Pr-
sequere quibus subauditur modis.* & responden-
do subjungit: *Secundum divinitatis essentiam
natura, veritate, proprietate, genere, nativitate
atque substantia: juxta humanitatem verò nu-
natura, ait, sed gratia, electione, voluntate, pla-
cito, prædestinatione, assumptione, &cetera, in-
quit, his similia.* Ecce dum quatuor prædicare
modos nativitatis dominicæ, duos ex matre vir-
gine, duos ex patre Deo, inventi jam sunt duo-
decim, sex videlicet ex patre, & sex ex matre.
Qua autem faciat intentione, bene consideran-
tibus perspicuum est, videlicet quia cuncta qua
nativitati divinitatis tribuit, humanitati adimit.
Quod si propterea fecisset, ut ostenderet aliuc
esse humanitatem, aliud divinitatem, habere
profectò faciliorem & usitatiorem loquendi pa-
ternum modum, quo id ostendere potuisset,
quem si secutus fuisset; nec nova diceret, ne-
mendacium incurreret. Dicendo namque secun-
dum divinitatis essentiam veritate esse filium,
proprietate, & ceteris quæ ibi conjungit; vul-
num esse secundum humanitatem nec verum,
nec proprium, sed è contrario omnia.

XVIII. Sed quia hæc in subsequentibus ma-
nifestiūs aperit, intueamur nunc quare eum
vult juxta humanitatem esse filium Patris, non
natura, non nativitate, non genere, non veri-
te; sed gratia, electione, voluntate, placito,
prædestinatione, assumptione. Quicunque ig-
tur antiquos illius errores cognovit, quid &

nunc utique velit cognoscit. Dixerat namque Dominum nostrum IESVM CHRISTVM secundum humanitatem adoptivum esse filium Patri. Et quia licet & alia adhuc peiora diceret & sentiret, nescio qua existente causa de solo adoptionis nomine discussus est, quod & compulsus est negare convictus, & non solum ter aut quater, sed multoties de hoc convictus, coactus est ad negandum hoc quod pravè ausus fuerat docere. Sed quia id ex intimo cordis sui sensu & prompta voluntate non fecit, arbitratus est apud semetipsum bene se prius sensisse, & postea male negasse. Ac per hoc quia illic trepidavit timore, ubi non erat timor, idcirco in his suis litteris nunc elaborat, ut ostendat Dominum secundum humanitatem, nec verum Deum esse, nec verum filium Dei, nec proprium. Sed quia contra haec omnia sententias sanctorum Patrum, Deo adjuvante, opposituri sumus, per quas dinosci valeat in quantum à catholica veritate discesserit; nunc sequentia ejus verba ponamus, ut tota illius pravitas detegatur, & postea veris sensibus mendacia illius expugnentur.

XIX. Interrogat iterum Felix: *Christus Dominus ac Redemptor noster, sicut in divinitate creditur verus & proprius filius Dei, ita & in humanitate, an aliter? & respondendo subjungit: Verus & proprius filius ille veraciter creditur, qui de substantia patris est genitus, non aliunde assumptus, cui generatio dat nomen filij, non elec-
tio, vel gratia, sive adoptio, aut voluntas. Ecce jam patefecit omnem errorem, quam occultam corde gestabat. Dicendo namque, Verus & proprius filius ille veraciter creditur, qui de substantia*

B ij

Psal. 13.

tia Patris est genitus, non aliunde assumptus, duos se filios credere prodit, unum genitum, alterum assumptum, unum cui generatio dat nomen filij, alterum cui electio, vel gratia, sive adoptio. Fortè dicat aliquis favens partibus illius: Non sensit Felix duos filios, ut tu dicis, qui statim subjunxit, *Vnus tamen in utroque, non duo.* Cui ego respondeo, non esse morem dicendi unquam *ille, & qui, aut cui*, sicut in hoc loco Felix scripsit, nisi cùm agitur de personis; & quem ita divisum in corde tenebat, bene unite verbis supervacuis non poterat. Iam enim superius ostendimus ex verbis Nestorij, ita & illi esse morem loquendi, *idem unum esse in utroque, non duos.* Sed certè beatus Cyrillus, & ceteri qui idonei extiterunt ad detegendam fraudem illius, & expugnandam vesaniam, non illi crediderunt unum Dominum posse tenere in fide, de quo ita apertè loquebatur, sicut de duobus.

X X. Sed esto, consentiamus ei qui conatur afferere unum filium, Felicem sapuisse, non duos. Quid ergo est quòd unum eundémque dicit verum & non verum, proprium & non proprium, nativitate & adoptione, genere & electione, substantia & assumptione? Certè talis unitas non est unitas, sed dualitas; sic conjungere, dividere est; ita copulare, separare est. Rogo, ubi unquam legisti in divinis litteris, vel in dogmatibus catholicorum Patrum, quòd Dominus noster secundùm humanitatem suam, assumptione, electione, vel gratia dicitur esse filius Dei Patris? Certè ego nunquam legi. Et si dicit Scriptura, *Beatus quem elegisti & af-*

sumpsisti. aut, *Exaltavi electum de plebe mea*; *Psal. 22.*
 numquid talem sensum introducit, ut nos eum
 dicere & confiteri debeamus electivum vel af-
 sumptivum filium Dei Patris? Et si Evangelista
 dicit eum plenum gratiæ & veritatis; numquid
 docet ut Deo Patri gratia esse filium secundūm
 humanitatem eum confiteri debeamus? Ergo &
 quia Apostolus dicit de illo, *semetipsum exina-
 nivit, formam servi accipiens*, acceptivum filium
 Deo Patri esse eum dicemus secundūm huma-
 nitatem. Penset diligenter quis, & quid, aut
 quare assumpsit, suscepit, accepit. Suscepit cer-
 tè Verbum Dei coæternum Patri substantiam
 nostram; sed non ideo ut ipse sibi filius esset;
 non ideo ut Deo Patri alio modo inciperet esse
 filius, quām erat ante incarnationem; non ideo
 ut filiationis modos & nomina multiplicaret:
 quia nec se ipsum dualitatis copulatione dupli-
 cavit. Non enim alter est suscipiens, & alter
 suscepitus: non est alter pro nobis pauper factus,
 nisi qui erat dives & ante susceptionem pauper-
 tatus: non est alter pro nobis peccatum factus,
 nisi qui erat antea nesciens peccatum: ut, sicut
 Apostolus exponit, cœlestis medicus ex nobis
 acciperet per quod contraria medicamenta no-
 bis adhiberet, scilicet ut salva impassibilitate
 sua, immortalitate, & incommutabilitate, sua
 nos morte vivificaret, sua paupertate ditaret,
 suis contumeliis honoraret, suis vulneribus fa-
 naret, & cetera hujusmodi. Sic & in quodam
 loco beatus scribit Hieronymus: *Quæ autem
 potest major esse dementia, quam ut filius Dei,
 hominis filius nasceretur, decem mensium fasti-
 dia sustineret, partus expectaret adventum, in-*

*Iohann. 1.**Philip. 3.*

22 S. AGOBARDI LIBER

volveretur pannis, subiceretur parentibus, pa singulas adoleret etates, & post contumelias vo cum, alapas, & flagella, crucis quoque pro nobis fieret maledictum, ut nos a maledicto legis absolv eret, Patri factus obediens usque ad mortem. Sed quia cuncta supra scripta Felicis male sensa verbis Patrum destruere debemus, legat cu placet jam adnexas Patrum sententias. Interim tamen, quia memini me supra dixisse nullo modo Felicem sibi met suadere potuisse ut in uno Domino duarum naturarum conjunctionem naturaliter ac substantialiter factam crederet, & verbis beati Cyrilli ostendimus quomodo naturaliter facta credatur, habet lector de eadem beati Hieronymi satis politam & enucleatam sententiam, cum de illo divinæ scripturæ loc ageret, ubi dictum est, Ponam inimicitias im te & inter mulierem, & inter semen tuum & se men mulieris. Ipsa tuum calcabit caput, & insidiaberis calcaneo ejus. Nonne, inquit, conspicias, nonne consideras, quod jam tunc illi minabatur in Christo? Alium enim semen mulieris nullum prorsus accipio, nisi illum quem Apostolus ait factum ex muliere, factum in carne, illum, qui, ut Evangelista refert, Ioseph filius putabatur esse, sed non erat, illum utique quod Verbum caro factum est. Nam si generandi publicam istam & naturalem circumspicimus rationem, semina non habent mulieres. Denique nulla concipit sine viro. Ac per hoc, quoniam jam tunc in Adam semen humanae generationis est transgressione vitiatum, semen celeste promittitur, ut Apostolus sentit, non ex corruptione viri, sed ex Deo, quod tamen caro fieret in muliere, &

Genes. 3.

Galat. 4.
Lc. 3.Galat. 3.
Ioan. 1.

elementa prima illa corporeā substantiæ, id est, humoris & sanguinis, in ipso sibi vasculo, in quo ipsa elementa sita sunt, naturaliter aptaret. Beatus quoque Augustinus: *Illa enim natura, inquit, quæ semper genita manet ex Patre, nostram naturam sine peccato suscepit, ut nasceretur ex Virgine.* Neque enim natura æterna atque divina temporaliter concipi & temporaliter nasci ex natura humana ullatenus posset, nisi secundum susceptionem veritatis humane veram temporaliiter conceptionem atque nativitatem ineffabilis in se divinitas accepisset. Sic est Deus aeternus ac verus, veraciter secundum tempus conceptus, & natus ex Virgine. Dum enim venit plenitudo temporis, misit Deus filium suum factum ex muliere, factum sub lege, ut eos qui sub lege erant, redimeret, ut adoptionem filiorum recuperemus; illo scilicet Deo facto naturaliter filio hominis, qui unus est naturaliter filius unigenitus Dei Patris.

*August. sive
Fulgentius in
lib. de fide ad
Petrum c. 2.*

Ga'at. 4.

XXI. Contra illud verò quod Felix dicit, duobus modis Deo Patri unum esse filium, & duobus modis matri. quæ dicendo, illuc tendit, ut ostendat eum secundum divinitatem quidem esse verum, secundum humanitatem autem non verum, quod quām falsum sit, jam suprà positis sententiis beati Cyrilli ostensum est; & nunc ejusdem & aliorum ponenda sunt testimonia, per quæ ostendendum est, & unicum Dominum nostrum totum esse Deum, & Dei filium, hominem quoque & hominis filium, salva tamen proprietate utriusque substantiæ, totumque esse verum quod est; ut quicunque diversos modos filiationis Dei in fide nobis introducere voluerit, videat an locum inveniat. Beatus Cyrillus:

B iiiij

24 S. AGOBARDI LIBER

Libet, ait, eum percontari utrum unitatem Vtbi ad humanitatem Verbi, sive ad sanctum corpus animatum intelligibiliter factam, dicat secundum veritatem, an potius cum aliis simul, & ipse secundum copulationem, quæ per habitudinem ipsi sermo docibilis & inexistentis formæ ad inexistentem & divinam formam. Vnum namque unius demonstravit, & in duos dividere refutauit. Nam licet factum est caro Verbum secundum Scripturas; attamen est etiam sic filius unigenitus secundum unitatem veram, quæ ultra mentem & rationem est. Ipse igitur unus & verus Christus Iesus, tanquam per instrumentum proprij corporis operatus est signa divina, & non operatum in eo.

Item Cyrillus: Dominus noster Iesus Christus unus, inquit, & solus vero filius existens Dei Patris, caro factus, & principat omnium simul cum proprio genitore, flectiturque ei omne genu caelstium, terrestrium, & infernorum, & confitemur omnis lingua, quia Dominus Iesus Christus in gloria est Dei Patris. Est igitur ipse Dominus quidem omnium, secundum quod intelligitur & est Deus, licet non sine carne post inhumanationem. Ipse vero rursus nec Deus nec Dominus. Est enim absurdissimum, magis autem omni impietate verè completum, ita sapere vel dicere. Item ipse Dispensationis unigeniti cum carne sacramentum, à nobis jam factis, nunc nihilominus copulare sermonibus dignum est, & eos non sine decenti ratione monstrare. Et post pauca: Cum Nestorius igitur ita scriperit de Christo, Ergo qui passus est Pontifex misericors, nam vivificatore ejus qui passus est Deus, & Deum Christi Deum Verbum nominaverit, adjeceritque his, Erat autem ipse

Apocal. 5.

Philip. 2.

¶ infans, ¶ infantis Dominus, non affirmamus, quia non decentior natu, magis autem impiè nimis ejus verba prolata sunt. Si enim Deus est Christi ex Deo Patre Verbum, duo modis omnibus erunt, ¶ indubitanter. Quomodo autem intelligitur ¶ infans ipse, ¶ Dominus infantis? Non ergo dicitur ¶ Deus suimet ipsius, ¶ dominus Emmanuel, si est idem Deus simul ¶ homo, tanquam inhumanatum ¶ incarnatum Dei Verbum.

X X II. Beatus quoque Augustinus: *Ego enim, inquit, Salvatorem nostrum non divido, non confundo, ne aut incorpoream & imaginariam carnem, aut carnalem & mortalem prædicem deitatem. Non separo; ne Dei Patris unam secundum carnem, & alteram secundum majestatem introducere videar prolem; quia idem Dei filius & sine initio processit ex Patre, & secundum tempus nasci est dignatus ex Virgine. Impassibilis in suo, passus in nostro, dum incomprehensibilem majestatem velut quoddam indumentum carnis vestire est dignatus ex utero. Mediatoris una persona, non una substantia; una inquam persona, ne sit non unus Christus; non una substantia, ne mediatoris dispensatione submota, aut Dei tantum dicatur aut hominis filius. Et post pauca: Qui- bus in unam personam incomprehensibili media- toris dispensatione conjunctis, servavit singulis propria, sed conjunxit propriis aliena. Servavit propria, dum non amisit immensitatem divinitatis, & infirmitatem non respuit carnis. Conjunxit propriis aliena, dum idem atque inseparabilis Christus, & proprio carnis occiditur, & proprio deitatis apud inferos non tenetur. Proprio carnis*

gustavit vita mortem, proprio deitatis perpetuum reddidit carnem. Non ergo rectè dicitur, In filio Pater est passus; quoniam in carne, quæ ei non est cum Patre communis, passus est filius. Itaque glorificata est caro maiestate, dum maiestas humiliata docetur in carne. Sed utrumque non de duabus Christis, sicut putas, sed de uno atque eodem ipso, quem post partum Virginis Deum & hominem novimus, nos certum est prædicare. Ecce beatus Augustinus asserit, quia qui Salvatorem nostrum confundit, aut incorpoream & imaginariam carnem, aut carnalem & mortalem prædicat deitatem; qui verò separat, unam secundum carnem, & alteram secundum maiestatem Dei Patris, introducere videtur prolem. Certum est ergo separare te Salvatorem nostrum qui duos modos tenes filiationis, ut aliter sit filius secundum deitatem, & aliter secundum carnem. Quod si unus atque idem est inseparabilis Deus & homo, qui & proprio carnis occiditur, & proprio deitatis inseparabilis permanet, ubi habebunt locum tui modi?

X X I I . Item beatus Augustinus : *Filiorum namque alij, inquit, sunt adoptivi, alij naturales. Hi, quia geniti ab initio, filij semper ac proprij. Illi, primo alieni, post filij, cum per adoptionem in familiam videantur adscisci. Quibus ergo comparandus est filius Dei? Si adoptivis; erit apud Patrem similis nobis. Si proprijs; ex substantia extitisse dicendus est genitoris.* Ecce beatus Augustinus apertè docet, quia adoptari in filio non potest, nisi qui antea extitit alienus, nec potest quisquam per adoptionem accipere patrem, nisi qui habuit proprium. Tu qui duo-

bus modis unicum Dominum prædicas esse filium Patri, id est, proprietate & adoptione, ostende ex illa parte qua adoptivus est, quem habuit proprium, aut ostende fuisse illum antequam adoptaretur; sicut beatus Augustinus adoptivos distinxit à propriis. Item beatus Augustinus:

*August. in
Enchirid.c.35.*

Proinde, ait, Christus Iesus Dei filius, Deus est & homo, Deus ante omnia secula, homo in nostro seculo; Deus, quia Dei Verbum.

Deus enim erat Verbum. Homo autem, quia in *Ioan. 1.*

unitatem personæ accessit Verbo anima rationalis,

& caro. Quocirca in quantum Deus est, ipse & *Ioan. 10.*

Pater unum sunt: in quantum autem homo est,

Pater major est illo. Cum enim esset unicus Dei *Ioan. 14.*

filius, non gratia, sed natura, ut esset etiam plenus gratia,

factus est & hominis filius, ipse idem

utrumque ex utroque unus Christus. Si aliquando

beatus Augustinus debuisset prædicare Do-

minum nostrum gratia esse filium Patris secun-

dum humanitatem, in hac sententia haberet

præcipuum & congruum locum. Dicens ergo,

Cum enim esset unicus Dei filius, non gratia,

sed natura, adjungeret ut esset etiam filius gra-

tia, factus est & hominis filius. Non autem dixit

ita. Sed ait, Ut esset, tiam plenus gratia, factus

est & hominis filius. Qua autem ratione dicat

eum factum filium hominis, propterea ut esse

posset plenus gratia, in subsequenti sententia

diligenter exponit, dicens: Hic omnino grandi-

ter & evidenter Dei gratia commendatur. Quid

enim natura humana in homine Christo meruit, ut

in unitatem personæ unici filij Dei singulariter

esset assumpta? Quæ bona voluntas, cuius boni pro-

positi studium, quæ bona præcesserunt, quibus me-

Ibid. c. 36.

reretur iste homo una fieri persona cum Deo:
Numquid antea fuit homo; & hoc ei singulare be-
neficium præstum est, cum singulariter promere-
retur Deum? Nempe ex quo homo cœpit esse,
non aliud cœpit esse quam Dei filius; & hoc uni-
cus, & propter Deum Verbum, quod illo suscep-
pto caro factum est, utique Deus; ut quemad-
modum est una persona quilibet homo, anima scilicet
rationalis & caro; ita sit Christus una per-
sona, Verbum & homo. Unde naturæ humanae
tanta gloria, nullis precedentibus meritis sine du-
bitatione gratuita, nisi quia magna hic & sola
Dei gratia fideliter ac sobrie considerantibus evi-
denter ostenditur; ut intelligent homines per ean-
dem gratiam se justificari a peccatis, per quam
factum est ut homo Christus nullum posset habere
peccatum? Sic ejus matrem Angelus salutavit,
quando ei futurum nuntiavit hunc partum. Ave,
inquit, gratia plena. & paulò post, Invenisti, in-
quit, gratiam apud Dominum. Et hæc quidem
gratia plena, & invenisse apud Deum gratiam
dicitur, ut Domini sui, immo Domini omnium,
mater esset virginitate servata. Et post pauca:
Veritas quippe ipsa, unigenitus Dei filius, non
gratia, sed natura, gratia suscepit hominem tan-
ta unitate personæ, ut idem ipse esset etiam homi-
nis filius. In hoc etiam loco ubi dicit Dei filium
non gratia, sed natura, poterat subjungere, gra-
tia etiam factus est filius Dei, suscipiendo homi-
nem, si eum gratia filium Dei Patris secundum
humanitatem esse deberemus credere. Sed non
dixit aliquid tale. Immo ait: Gratia suscepit ho-
minem. Qui suscepit? utique Filius Dei Verbum
Dei. Certè gratia suscepit hominem. Miseri-

Luc. 1.

cordia factus est homo; quia misericordia natus, non conditione; misericordia mortuus, non debito. Numquid h̄ic aliquid referimus ad Patrem, ut dicere possimus gratia esse eum filium Dei Patris? Nam sicut credere deberemus gratia, adoptione, vel assumptione, aut quicquid secundūm h̄ac dici potest, filium Dei secundūm humanitatem, suprā fuisse beato Augustino ad proferendum ap̄tissimus locus, ubi dixit de homine assumpto, *nempe ex quo esse homo cœpit, non aliud cœpit esse quām Dei filius,* ut adderet, *gratia, adoptione, electione,* aut aliquid hujusmodi. Sed non fecit ita. Quod ergo addidit, videamus utrum possit ad ista pertinere. Ait enim: *Nempe ex quo homo esse cœpit, non aliud cœpit esse quām Dei filius, & hoc unicus, & propter Deum Verbum, quod illo suscep̄to caro factum est, utique Deus.* Ecce beatus Augustinus hominem dicit unam factum personam cum Deo, & esse filium Dei unicum, & Deum. Numquid significavit h̄ic nobis ut credere eum debeamus non verum filium Dei, non verum Deum, sicut Felix docet? Certè ego puto quia cùm diceret, *ex quo esse cœpit, non aliud cœpit esse quām Dei filius,* propterea addidit, *& hoc unicus,* ut nos eum verum filium Dei credamus, & totum verum, & totum proprium, non medium proprium, & medium adoptivum.

XXIV. Si autem in hoc loco inusitato more ego alicui loqui video, quia dico totum Dominum; audiat, quisquis ille est, similem huic sententiam Symmachī Papæ ad Anastasium Imperatorem: *Christus itaque Deus veraciter totus, & totus homo est, sic conceptus, sic editus.*

sic conversatus in seculo, sic passus, sic apud inferos, sic resuscitatus, sic cum discipulis apparenſis, sic elevatus in cœlum, sic exinde dictus est esse venturus, sic hodiéque in cali regione persistit dicente Apostolo, in quo habitat omnis plenitudo divinitatis corporaliter. Et certè de eo dicit quod nunc est ipſe. Ergo ille est minimus qui credit in Christo, qui in hujusmodi Christum credit, qui in integrum Christum credit, non in semi-Chrīstum, & ideo non Christum, quia Christus non nisi integer, integer autem non nisi hujusmodi. Ecce & beatus Papa Symmachus totum Christum dicit veraciter Deum esse, & totum hominem. Si ergo totus veraciter Deus, totus utique verus Deus, & proprius filius Dei, quia tota generatio dedit nomen filio, non medio, ut vult Felix, quanquam nec humanitas sit de substantia patris, nec divinitas de substantia matris. Sed quia Verbum Dei, unius cum patre substantiæ, in unitate personæ suæ suscepit nostram substantiam, non erit alio modo filius post humanitatis assumptionem, nisi quo erat & ante incarnationem.

X X V. Item beatus Augustinus: *In terra, inquit, erat, & in cœlo se esse dicebat, & quod est maius, in cœlo filius hominis, in cœlo filius Dei, ut unam demonstraret in utraque natura personam; & in eo quod Dei filius erat, equalis Patri, Verbum Dei, in principio Deus apud Deum, & in eo quod filius hominis erat, & assumens animam humanam & carnem humanam, & induitus hominem exiens ad homines; quia in hoc utroque non duo Christi sunt, nec duo filii Dei, sed una persona, unus Christus filius Dei; idem unus*

Christus, non alius hominis, & alius Dei filius;
sed Dei filius secundum divinitatem, hominis fi-
lius secundum carnem. *Quis autem nostrum, qui*
parum sentimus, aut parum sapimus, non potius
ita vellet distinguere: Filius Dei in cœlo, & filius
hominis in terra? Sed ne sic divideremus, & ita
dividendo duas personas induceremus, non ascen-
dit in cœlum nisi qui de cœlo descendit. *Quis?* Fi-
lius hominis. *Filius ergo hominis descendit de cœ-*
lo. Nónne filius hominis in terra factus est? Nón-
ne filius hominis per Mariam factus est? Sed ô
homo noli, inquit, separare, quem volo copula-
re. Parum est, quia filius hominis descendit.
Christus enim descendit; idemque filius qui filius
Dei est. Sed est in cœlo qui ambulat in terra. In
cœlo erat, quia ubique est Christus; idemque
Christus & filius Dei, & filius hominis. Item
beatus Augustinus ait: *Prædestinatus est ergo*
Iesus, ut qui futurus erat secundum carnem filius
David, esset tamen in virtute filius Dei secun-
dum spiritum sanctificationis, quia natus est de
Spiritu sancto, & per virginem Mariam illa ipsa
ineffabiliter facta hominis à Deo Verbo susceptio
singularis, ut filius Dei esset filius hominis simul,
& filius hominis propter susceptum hominem, &
filius Dei propter suscipientem unigenitum Deum
veraciter & propriè dicitur, ne non trinitas, sed
quaternitas crederetur. Prædestinata est natura
ista humana tanta & tam celsa & summa subve-
ctio, ut quò ad tolleretur altius, non haberet; sicut
pro nobis ipsa divinitas quò usque se deponeret, non
haberet humilius. Item beatus Augustinus: Hi
sunt filii Dei quotquot spiritu Dei aguntur, sed
gratia, non natura. Unicus enim natura Dei fi-

S. August.
lib. 21. de
Civ. Dei c. 15.

lius, propter nos misericordia factus est homini
 filius, ut nos natura filij hominis, filij Dei per il-
 lum gratia fieremus. Manens quippe ille immu-
 tabilis, naturam nostram, in qua nos suscipere,
 suscepit a nobis, & tenax divinitatis suae, nostra
 infirmitatis particeps factus est; ut nos in melius
 commutati, quod peccatores mortalesque sumus,
 ejus immortalitatis & justitiae participationem
 amittamus; & quod in natura nostra bonum feci-
 impleti summo bono in ejus naturae bonitate serue-
 mus. Sicut enim per unum hominem peccantem in
 hoc tam grave malum devenimus, ita per unum
 hominem eundemque Deum justificantem ad illud
 bonum tam subtile venimus. Item beatus Hiero-
 nymus: Propheta ait: Virga tua & baculum
 tuus ipsa me consolata sunt. Virga, mater ei-
 Domini; ex qua baculus iste, fesso jam per etatem
 mundo qui eum sustentaret, exit. Illum ergo in
 Virginis uterum delapsum, ut totam redemptio-
 nis nostre historiam reexamus, partu effusum
 hominem se exhibuisse pro homine, & creaturam
 suam se de creatore fecisse, illum formam servi-
 accepisse, exinanisse se potestatis voluntate, non
 natura deitatis, per quam non poterat non esse
 quod fuerat, illum maledicta pro salutaribus me-
 ruisse miraculis, illum spuma, illum palmas, illum
 coronam spineam, illum postremò crucem pro nobis
 fuisse perpetuum, illum inferna penetrasse, illum
 die tertia resurrexiisse in id corpus quod cruci fui-
 rat adfixum, illum hominem Deum post mortem
 mortis, cœlum petuisse, victorem, sedere ad dex-
 teram Dei, venturum suo tempore ad judicium
 faciendum, illum spiritum Dei per sanctorum
 suorum quotidie ora celebrari. Hæc cogitasse, vi-
 xisse

xiſe est; hæc meditatio, partus est animæ; in hæc
relabi vel recurrere, cum Domino jungi est, &
cum ipso, per hæc humiliari est, cum ipso pati est,
cum ipso mori est, cum ipso est etiam suscitari.

Vigilius Taps.
lib. i. adversus
Enrych. c. 4.

XXVI. Beatus quoque Vigilius: *Nos unum,*
inquit, *Christum eundemque Dei filium, & ho-*
minis filium, non duos profitemur, & ita Verbum
intra Virginis uteri secreta carnis sibi initia conse-
visse, id est, verè incarnatum fuīſe, ut tamen
Verbi natura non mutaretur in carnem; itemque
carnis naturam ita persuscipientis commixtionem
in Verbi transiſe personam, ut non tamen fuerit
in Verbo consumpta. Manet enim utraque, id est,
Verbi carnisque natura; & ex his duabus hodié-
que manentibus unus est Christus, unaque perso-
na. Quis enim sacrilega opinione indutus, eō us-
que desipiat, quis in tam abruptum erroris ba-
rathrum semetipsum iniciat, ut filium Dei sine
sua propria carne, quam in sacre Virginis utero
ineffabili societatis per se mixtione ita sibimet
adunavit, ut & Verbum homo, & homo Deus,
idemque unus, non mutatis generibus naturæ fie-
ret, neget hodie sedere ad dexteram Patris, ven-
turumque judicare vivos & mortuos, cum ipsum
Dominum dixiſe non nesciat, Cūm venerit filius Matth. 16.
hominis in gloria Patris sui. Item ipse: Nam
cum Iesus Christus non Verbi sed carnis proprium
sit nomen, & Deus proprium Verbi non carnis con-
ficit esse vocabulum; tamen & Verbum propter
carnem suam, homo Iesus Christus; & caro pro-
pter Verbum Deum, Deus Verbum est. Item ip-
se: Diversum est initium non habere, & ex ini-
tio subsistere; mori, & mori non posse. Et tamen
sicut ipsi Christo proprium est utrumque, ita

C

34 S. AGOBARDI LIBER

non ipsi sed in ipso est utrumque commune. Si enim dicamus, quia ipsi est commune, necesse est ut exigatur a nobis dare & ostendere alium, cum quo sit ei hoc ipsum commune. quæ professionis necessitas in Nestori vergit impium dogma. Melius igitur & catholicè dicimus in ipso, & non ipsi, esse commune: & melius ipsi, & non in ipso, dicimus proprium esse. Ergo proprium est illi mori, qui propter naturam Verbi, mori non potest. Item propter ineffabile mysterium unius personæ, utrariumque naturarum communis in ipso fuit mortalitas carnis Verbi naturæ, quæ mori non potuit, & communis in ipso est immortalitas Verbi naturæ carnis, quæ morti succubuit. Ergo sicut illi mori & non mori ex utrisque naturis est proprium; in commune est in ipso utrisque naturis, quod illarum est proprium.

X X V I I . Sanctus Hilarius confessor: Natus ergo, inquit, unigenitus Deus ex Virgine homo secundum plenitudinem temporum, in se metipsum proiecturus in Deum hominem, humper omnia evangelici sermonis modum tenuit, ut se Dei filium credi doceret, & hominis filium prædicari ammoneret; locutus & gerens homo universa quæ Dei sunt loquens, deinde & gerens Deus universa quæ hominis sunt: ita tamen in ipso illo utrinque genere sermonis nunquam nisi cum significatione & hominis locutus & Dei. Ecce aperte beatus Hilarius dicit Dominum nostrum Iesum Christum docentem in Synagogis & ubique hunc modum sermonis per omnia tenuisse, ut se Dei filium credi doceret, & utique verum. quod si verum, & proprium alioquin, quare ex illo tempore non sunt inventi

quatuor modi quibus crederetur, duobus vide-
licet Patri, & duobus matri? Beatus autem Pro-
culus Constantinopolitanus Episcopus, cùm ex-
poneret verba Apostoli, ubi loquitur de Iudaeis
dicens, *quorum Patres, ex quibus Christus se-
cundum carnem, qui est super omnia Deus bene-
dictus in secula, ait: Hæc Pauli verba, quam
subreptionem calumniæ eorum qui prava diligunt
habere mittunt. Dixit enim Christum, ut ostendat
quoniam secundum veritatem Deus factus est
homo. Dicit eum ex Iudaeis secundum carnem,
ut insinuet quia non ex illo tempore quo est incar-
natus existat. Dixit eum qui est, ut eum sine ini-
tio declareret. Dixit eum super omnia, ut totius
creature Domini prædicet. Dixit eum Deum,
ne passionibus habituque traducti intemeratam
eius audeamus negare substantiam. Dixit bene-
dictum, ut adoremus eum tanquam omnipoten-
tem suppliciter, nec ut conservum calumnijs ap-
petamus. Dixit eum in secula, ut demonstret
quod is qui nos verbo creavit, pro sua divini-
tate iugi à nobis honore celebretur. Habentes ita
que Christum & existentem, & Deum, & bene-
dictum in secula, veneremur eum Deum & Do-
minus, dicentes assertoribus exterorum dogma-
tum, si quis spiritum Christi non habet, hic non
est ejus.*

Rom. 9.

Rom. 8.

XXVIII. Iterum interrogat Felix dicens:
*Quid differt inter propria naturaliaque nomina
divinitatis in uno filio Dei, atque accidentia hu-
manitatis eius? respondetque subjungens: Hoc
differt, quod in divinitate sicut verus est filius
Dei, ita & verus Deus. In humanitate vero si-
cus verus est homo, ita verus est filius hominis.*

C ij

Videtur mihi Felix rem in hoc loco fecisse ridiculosam. Differentiis namque nominum interrogavit divinitatis & humanitatis, & respondit hoc diff. re quod in divinitate verus sit Deus, & in humanitate verus homo. Hoc non est differentia nominum, sed potius separatio substantiarum. Nam si, ut ait, divinitatis nomen est Deus, & humanitatis homo, debuit utique dicere quid differat inter utrumque nomen, id est, Deus & homo; & ut in sequentibus ait, *in divinitate unigenitus, in humanitate primogenitus*, debuit certe dicere quid differat inter unigenitum & primogenitum. Sed ponamus ipsius Felicis verba quae prosequitur, ut ex ipsis lector cognoscat quomodo separando nomina, dividit substantias. *In illa, inquit, Deus super omnia, in ista vero homo intra omnia;* & ut brevi compendio plurima concludam, *in illa, id est in essentia divinitatis, Deus Dominus, Patris Verbum, Patris veritas, sapientia, virtus, imago Patris, invisibilis splendor Patris, lumen ex lumine, consubstantialis Patri, consimilis ei, aequalis per omnia, invisibilis ut Pater, immensus, incircumscripatus, omnipotens, creans omnia cum Patre & Spiritu sancto, factor, vivificans quos vult, sicut & Pater, eligens cum Patre quos vult, praedestinans cum Patre quos prescrit, sanctificans, deificans, glorificans quos vult, & reliqua his similia plurima. Accendentia vero illi sunt, homini, infans, puer, adolescens, juvenis, minister legis, servus Patris, minor Patre, subjectus frater electorum, particeps eorum, coheres, propinquus illorum, conformis, consimilis per omnia, excepto peccato, mediator Dei & hominum, Prophethi-*

Evangelista, Apostolus, Sacerdos, Pontifex.
Hec omnia, & his similia accedentia sunt illi secundum dispensationem carnis, non propria secundum potestatem Deitatis.

XXIX. Ecce, ut lectio ipsa demonstrat, Felix aperte testatur hæc nomina secundum dispensationem carnis, non esse propria secundum potestatem Deitatis. Si caro ipsa propria dicitur, & est Verbi; quare carnis nomina non erunt propria ei cuius est caro ipsa propria? Ut mihi videtur, intellexit Felix quod ista nomina, id est, homo, infans, puer, Apostolus, & Pontifex, non essent Domini & Salvatoris nostri, nisi incarnaretur. quod utique verum est. Non tamen intellexit quod postquam incarnatus est, propria facta sint Dei, quia Deus ipse factus est hæc, id est, Deus Verbum factus est homo, infans, & puer. ipse factus est Apostolus, ipse factus est Pontifex. Sed quia, ut dixi, bene potuit dicere Felix quod ipsa nomina non sint in Domino ex natura divinitatis, sed ex humanitatis; non tamen bene dixit quod non sint propria; quia propria facta sunt, propter carnem propriam quam assumpsit.

XXX. Nos tamen, quam cautelam sanæ fidei in hac re tenere debemus, ex verbis Patrum ostendamus. Beatus itaque Vigilius Episcopus in expugnatione Acephalorum hæreticorum sic dicit: *Sicut illi mori & non mori ex utrisque naturis est proprium, ita commune est in ipso utrisque naturis quod illarum est proprium.*

Et ut exempli gratia dixerim, proprium mihi est notam livoris cuiusque verberis gestare in corpore meo per naturam carnis meæ; & proprium mihi

*Vigilius in lib.
§. adversus
Euseb. cap. 2.*

est hanc eandem notam non gestare in spiritu mihi per naturam animæ meæ. Item proprium mihi est plagam verbi, id est, sermonem durum gestare in mente mea per naturam animæ meæ, & proprium mihi est eandem plagam non portare in corpore meo per naturam carnis meæ. Et cum sit mihi utrumque proprium; & corpori, & animæ meæ, utrumque alienum; quia nec corpus durum letum ve sermonem intelligit, nec anima flagelli vulnera livescit. Utrumque tamen commune est in se metipso, & animæ & corpori meo: quia nec anima extra corpus, à quo ei sentire proprium fuerat, sentit; nec corpus citra animæ consortium plagarum indicia gestavit. Quod ergo proprium mihi in singulis, & alienum est singulis, id commune est in me ipso singulis, quod proprium est singulis. Et tamen ego ipse unus sum in utrisque, in meis communibus; & ego ipse unus sum in singulis mihi metipso proprijs. Quæcum ita sint, series nobis divinarum percurrenda est litterarum, & plurima testimonia congreganda, quibus demonstretur quām sit impium & sacrilegum, ea quæ sunt propria carnis Christi, ad naturam Verbi proprietatem referre, & quæ sunt propria Verbi proprietate naturæ carnis adscribere: & quām sit nihilominus impium, ea quæ sunt propria carnis per exceptionem proprietatis alienare à Verbo, & quæ sunt propria Verbi, eadem exceptionis lege alienare à carne; cum sit eis in Christo utrumque commune, & Christus sit utrumque.

XXXI. Felix in sola humanitate dicit Dominum Apostolum & Pontificem fuisse. Beatus autem Cyrillus contra hoc ita docet, dicens: Scripturæ namque divinitus inspiratae Deum nobis

inhumanatum prædicant Emmanuel, participatumque carne & sanguine proximè nobis Dei & Patris affirmant Verbum factum, hoc est, hominem, non per conversionem, seu mutationem, sed virtute ineffabilis unitatis. Ideoque & unum dicimus Dominum Iesum Christum, unamque fidem, & unum sanctum baptisma. Qui autem à dogmatibus sic rectis recedunt, & contra sacras litteras durum atque superbum obiciunt sensum, & hoc solum quod bene se habere arbitrantur inspiciunt, hominem verò assumptum à Deo Verbo dicunt, secundùm illud puto quod per unum sanctorum dictum est prophetarum, Non eram Propheta, Amos 7. neque filius Prophetæ, sed capo eram fricens sicanina, & assumpit me ex ovibus, & sicut ait beatus David, suscipiens mansuetos Dominus. Per habitum quippe & familiaritatem spiritalem, tanquam in voluntate & gratia & sanctificatione, sicut & nos ipsi adhærentes Domino, unus spiritus sumus, secundùm quod scriptum est. Sed non est hoc humanari Dominum, sed neque proximè nobis carne & sanguine participare, sed magis proprium facere hominem, & non secundùm alium modum quem dici poterit Prophetas & Apostolos & alios sanctos omnes. Putásne sanctus Paulus seducebat sanctificatos per fidem apertissimè dicens de unigenito, quia cùm esset dives, pauper est factus propter nos? Absit. Verè namque dicit omnino veritatis prece, qui est dives. Et quomodo pauper factus est? Etiam nunc sermo hic à nobis examinetur. Siquidem, sicut & sapere & dicere ipsi præsumunt, homo assumptus à Deo est, quomodo pauper est factus qui assumptus est, & ultra naturam dignitatibus declaratus. Glorificatus est

1. Corinth. 6.

2. Corinth. 8.

enim; aut si non est hoc verum, derogabitur ab iunctio-
nem assumptio*n*is tanquam deportanti ad minorem par-
tem, & in honestiorem mensuram humanitatis.
Sed ita sapere dissonum est. Ergo non est pauper
factus, qui assumptus est. Restat enim dicere, quia
factus est in paupertate nostra, qui dives est tan-
quam Deus. Et iterum: *Respicienda itaque sumus*
non illorum multiloquia, sed recta & immaculata
*fides evangelica atque apostolicae sanctio*n*is. Deum*
est in carne & in sanguine, humanitatisque men-
suram pereaque humana sunt cognoscimus. Mil-
lia millium enim angelorum sanctorum mini-
strant ei, & sacram ejus sedem circumstant Seraphim. Quia vero factus est homo, appellatusque
summus Sacerdos, non tanquam majori Deo offre-
rens sacrificium, sed sibi metuens Patri, fidei nostra
negotiatus confessionem. Et iterum: *Intuere siquidem*
eum immolantem quidem secundum huma-
nitatem, assidentem vero sicut Deum. Quid enim
ait beatus Paulus? Talem Pontificem habemus,
qui sedet in dextera sedis maiestatis in excelsis.
Scientes igitur quia cum Deus esset, factus est ho-
mo, est autem unus atque idem filius, ipsi omnia
tribuimus tanquam uni; & dispensatio*n*is non igno-
ravimus modos, sensuum virtutem artificiose
atque prudenter in ejus semper convertentes obe-
dientiam.

XXXII. Felix soli divinitati tribuit vivifi-
cationem, dicens Dominum secundum divini-
tatem vivificantem quos vult; & non recordans
quod & caro vivificatoris Verbi, vivificatrix
credenda est, beato Cyrillo docente ita: *Pro-*
prium ergo corpus factum dicimus Verbi, & non
hominis alicuius seorsum, & separatum alterius

1. Reg. 22.

Daniel. 7.

Hebr. 8. & 9.

extra eum qui intelligitur Christus & filius. Sicut autem proprium nostrum uniuscujusque dicitur corpus seorsum ejus cuius est, & in uno Christo intelligendum utique existens nostris corporibus cognatum sive consubstantiale. Factum enim ex muliere proprium ejus, sic ut dixi intelligitur & dicitur. Quoniam vero secundum naturam est ex Deo Patre Verbum, vivificatricem ostendit suam carnem; idcirco facta est nobis benedictio. Vivificant denique dicebat Christus: Amen dico vobis. Ego sum panis vivus qui de cœlo descendit, & vitam dedi mundo. & rursus: Panis autem quem ego dedero, caro mea est pro mundi vita. & iterum: Qui manducat meam carnem, & bibit meum sanguinem, in me manet, & ego in eo. Item beatus Cyrillus: Vti ne videar ego solus Verbi corpus proprium nominare, etiam sanctorum Patrum volui ponere testimonia, ut sciant adversari quia inaniter nos inclamant sequentes ubique illorum voces. Ait itaque famosissimus noster pater & Episcopus Athanasius in libro de sancta Trinitate: Et apparebat quia non erat fantasia, sed verè habebat corpus. Decebat enim Christum induentem humanam carnem, hanc cum proprijs passionibus ejus indui totam; ut sicut totam proprium ejus dicimus esse corpus, ita & corporis passiones propriae solum ejus dicantur, licet non contingent secundum divinitatem ejus.

Ioh. 6.

XXXIII. Interrogat Felix dicens: Recurrunt propria nomina ad accidentia, seu accidentia ad propria, ànon? Respondet, recurrunt. Interrogat quo ordine? Respondet: Propter singularitatem personæ, in qua divinitas filij Dei cum humanitate sua communes habent actiones; qua ex-

causa aliquando ea quæ divina sunt referuntur ad humana, & ea quæ humana fiunt, interdum ascribuntur ad divina, & hoc ordine aliquando Deus filius in hominis filio filius hominis appellari dignatur, & hominis filius in Dei filio filius Dei nuncupatur. Hic ammonio lectorem ut istum Felicis recursum nominum conferat cum relatione Nestorij, & perpendat ne fortè similia sint. Sicut enim suprà posuimus verba Nestorij, dicit ille, sicut inseparabilem à divina natura habent copulationem relatione Dei & intelligentia omnis creatura adorationem exhibente; & neque duos filios dicimus, neque duos Dominos. Et post aliqua iterum Nestorius ait: Sed solus præcipuum habens hoc quod ad Dei Verbi copulationem adoptione & dominatione participans, auferens quidem omnem suspicionem dualitatis filiorum & Dominorum, præstito verò nobis in copulatione ad Deum Verbum, omnem haberet ipsius fidem & intelligentiam & theoriam, pro quibus & adorationem pro relatione Dei ab omni suscepit creatura. Ecce Nestorius dicit Dominum relatione Dei theoriam suscepisse, id est, Deitatem & adorationem. Felix verò dicit recurrere nomina propter unitatem personæ, & propterea appellari Dei filium hominis filium, & hominis filium Dei filium nuncupari. Videtur namque mihi, quia licet utriusque, Nestorij videlicet atque Felicis, nova & inusitata atque confusa sint verba, unus tamen eorum aut similis in hoc loco est sensus. Deinde diligenter considerandum est hoc quod Felix dicit, *Aliquando Dei filius in hominis filio filius hominis appellari dignatur.* Quid est hoc? Numquid aliquando, & non

præ cap. 7,

semper? Numquid appellari & non esse? Deinde
ait, *& hominis filius in Dei filio filius Dei nuncu-*
patur. Numquid nuncupatur tantum, & non
est?

XXXIV. Sed quia scio horum verborum
quandam similitudinem esse in dictis beati Hie-
ronymi, quæ iste in prima sua contentione pra-
vo sensu efferre solebat; videamus, si ab illo
istius sensus & verba non discrepant. Ait nam-
que beatus Hieronymus: *Hic filius hominis per*
Dei filium, Dei esse filius in Dei filio promeretur. Ecce beatus Hieronymus dicit esse promeretur.
Felix dicit appellatur, & nuncupatur. Certè mul-
tum differt inter esse promeretur, & appellatur,
aut nuncupatur. *Filius, inquit, hominis in Dei*
filio filius Dei esse promeretur. Certè sic cuncta
Christi Ecclesia catholica credit & confitetur.
Qui esse promeretur, verè & propriè esse cœpit:
quia, ut jam suprà dictum est, ex quo esse cœpit,
non aliud cœpit esse quam Dei filius, & hoc uni-
cus. Qui autem appellantur & nuncupantur,
spiritum adoptionis acceperunt, ut filij Dei vo-
carentur: quia ex quo esse cœperunt esse filij
Dei, sed filij Adam; filij iræ, & filij hujus se-
culi; & dum ista essent, prævenit eos misericor-
dia Dei antequam illi ulla bona velle aut eligere
possent; & sicut eos præscivit & prædestinavit

*Vide integrum
locum Hiero-
nymi infra
cap. 39.*

Ephes. 1.

Rom. 7.

44 S. AGOBARDI LIBER
turaliter natus, & in seculo naturaliter factus est
unicus filius Dei, qui nascendo est filius Dei,
non renascendo, cui nomen filij generatio de-
dit, non regeneratio, qui ex illa substantia qua
esse cœpit, ex quo esse cœpit, non aliquando
nuncupatur filius Dei, ut Felix vult, sed semper
est, ut catholici credunt. Ita nos, sicut beatus
Hieronymus ait, Deum hominēmque jungen-
tes, & filium hominis in Iesu, & filium Dei te-
nemus in Christo. Hic sapientia vertetur, ut
Apocalypsis ait. Hic promissæ antidoti aperi-
enda virtus. Hic Manichæorum virus, terrestre
germen Arrianorum, divino, si dici fas est, se-
mine superandum est.

Apoc. 13.

Ioan. 13.

X X X V. Memoratur item Felix dicti Do-
minici, quo ait: *Nemo ascendit in cœlum nisi*
qui descendit de cœlo, filius hominis qui est in cœlo.
& subjungit dicens: *Certè quando hæc loqueba-
tur, nondum erat filius hominis in cœlo per natu-
ram in suscipiente se, hoc est, in filio Dei.* Sed quia
ego in hæc verba advertere non possum quid di-
cere voluerit, aut quid senserit, ista indiscreta
prætermittenda, & ad alia ejus transeundum
est; maximè quia prædicta Dominica verba ex-
posita verbis beati Augustini suprà posuimus.

X X X VI. Item Felix: *Certè, ait, Catholica
fides credit quod non proprius Dei filius, qui di-
substantia Patris genitus est, & per omnia Par-
similis, pro nobis traditus sit, sed homo assumptus
ab eo.* Hæc Felix. Nos autem dicimus: Absit,
absit, ut ita catholica fides credat, quæ sine in-
termissione decantat, dicens: *Credo in Deum
Patrem Omnipotentem, & in Iesum Christum su-
lium ejus unicum Dominum nostrum, natum de*

Spiritu sancto & Maria virgine, passum sub Pontio Pilato, crucifixum & sepultum. Ita enim catholica fides credit, quod ipse qui filius Dei Patris Omnipotentis est, & natus est de Spiritu sancto & Virgine, ipse sit pro nobis traditus, ipse passus, ipse crucifixus, mortuus, & sepultus, ipsisque resurrexerit, ascenderit ad cœlos, & sedeat nunc ad dexteram Patris, & inde, hoc est, de dextera Patris, venturus sit ad judicandos vivos & mortuos. Sed quia, ut superius verbis beati Hieronymi dictum est, hæc cogitasse, vixisse est, hæc meditatio, partus est animæ, in hæc relabi vel recurrere, cum Domino jungi est, & cum ipso per hæc humiliari est, cum ipso pati est, cum ipso mori est, cum ipso est etiam suscitari, bonum & jocundum est de hac re Patrum quoque hinc sententias subnectere. Beatus Augustinus de hoc ita dicit: *Cujus & nativitatem futuram secundum carnem, & mortem, & resurrectionem, atque ascensionem in cœlis, Lex & Prophetæ prænuntiare nunquam desisterunt, prout ipse præcipiebat, obedientes & verbis & factis.* Nam & sacrificijs carnalium victimarum, quæ sibi ipsa sancta Trinitas, quæ unus est Deus Novi & Veteris Testamenti, à Patribus nostris præcipiebat offerri, illius sacrificij significabatur gratissimum munus, quod pro nobis se ipsum solus Deus filius secundum carnem effet misericorditer oblaturus. Ipse enim secundum apostolicam doctrinam obtulit semetipsum pro nobis oblationem & hostiam Deo in odorem suavitatis. Ipse verus Deus, & verus Pontifex, qui pro nobis, non in sanguine taurorum & hircorum, sed in sanguine suo semel introiuit in

*Suprà cap. 25.**Augst. de
Fid. ad Petr.
Diac. c. 12.**Ephes. 15.**Hebr. 9.*

sancta. quod tunc Pontifex ille significabat, quum sanguine in sancta sanctorum per annos singulos introibat. Iste igitur est qui in se uno tantum exhibuit quod esse necessarium ad redemptionis nostrae sciebat effectum. Idem sacerdos & sacrificium, idem Deus & homo. sacerdos, per quem sumus reconciliati; sacrificium, quo reconciliati; Templum, in quo reconciliati; Deus, cui reconciliati. Solus tamen sacerdos, sacrificium, & templum; quia haec omnia Deus secundum formam servi. Non autem solus Deus, quia hoc cum Patre & Spiritu sancto secundum formam Dei. Reconciliati igitur sumus per solum filium secundum carnem, sed non soli filio secundum divinitatem. Beatus quoque Vigilius: Ita verbum Dei jure dicimus passionis injurias pertulisse, non tamen passionem ullo modo sensisse. Dicam adhuc manifestius. Confixa est divinitas clavis; sed ipsa penetrari non potuit, sicut caro ejus potuit. Siquidem vulneri locum caro patefacta aperuit. Nam Deitas indivisibilis atque impenetrabilis mansit. Ita ergo suscipiendo passiones, & earum non cedendo effectibus, apparet Dei Verbum impassibiliter passum. Sed quia caro ejus haec omnia non solum pertulit, sed & sensit, & cessit, jure ac merito dicimus Deum his omnibus passionum conditionibus sensibilius affectum in carne sua, sine sensu vel mutatione divinitatis suae. Vide ergo: perferre passionem, nature est utriusque; sed cedere passioni, non est utriusque naturae, cum sit unius ejusdemque persona. Beatus quoque Athanasius ita dicit: Et ostensum est omnibus, quia non corpus erat Verbum, sed corpus erat Verbi; & hoc palpavit Thomas postquam

Vigilius lib. 2.
adversus Eu-
ph. cap. 9.

eum resurrexisse vidit à mortuis, & vedit in eo
fixuras clavorum quas pertulit, ipsum Verbum
in suo corpore dum crucifigeretur aspiciens; &
cum posset prohibere, non prohibuit, sed etiam
propria sua faciebat quae erant propria corporis,
tanquam sua, Verbum incorporale, denique cæso
corpore à ministro, sicut ipse patiens dicebat:
Dorsum meum dedi ad verbera, & faciem meam
non averti à confusione spotorum. Quæ enim hu-
manitas patiebatur Verbi, hæc inhabitans Ver-
bum ad se referebat, ut nos deitatis Verbi parti-
cipes esse possemus. Et erat admirabile, quia ipse
erat patiens & non patiens; patiens quidem,
quoniam proprium ejus corpus patiebatur; & in
ipso qui patiebatur erat non patiens, propterea
quia natura Deus manens Verbum est impassibile;
& ipse quidem incorporalis erat in corpore
passibile; corpus autem habebat in se Verbum im-
passibile, destruens infirmitates ipsius corporis.

Ezra. 40.

X X X V I I . Felix dicit: Ita divina scrip-
tura loquitur, ut ea quæ capit is sunt, id est,
Christi, referantur ad corpus, id est, Ecclesiam,
& ea quæ corporis sunt, adscribantur capiti.
Hoc ex parte verum esse potest. Sed verius di-
ceret, si dixisset: Aliquando ex voce corporis
loquitur caput, sicut est illud, Saule Saule, quid
me persequeris? &, Esurivi, & dedistis mihi Achor. 9.
manducare. & cetera hujusmodi. Ceterum ea
quæ propriè excellentiæ capit is sunt, non sic re-
feruntur ad corpus, ut iste dicit: quoniam ista
communio capit is & corporis magis est in voci-
bus scripturarum, quam in actibus & rebus, si-
cure est illud in Psalmo: Longè à salute mea aver- Psal. 21.
ba delictorum meorum. Et: Dens, tu scis inspien- Psal. 68.

tiam meam, & delicta mea à te non sunt abscondita. in quibus Dominus pro corpore suo solam vocem suscepit, non actum, aut rem. Iste autem, ut mihi videtur, propterea elaborat tantum conjungere caput & corpus, ut etiam unam hæc personam dicat, & ex hoc confirmari videatur sensum ejus, quo Dominum secundum humanitatem eisdem tantummodo modis credit filium Dei Patris, quibus & ceteri sancti fiunt filii Dei, id est, gratia, adoptione, electione, prædestinatione, & ceteris, ut ipse superius aperte de Domino dixit. Propter quod apparet in verbis ejus, quod plus quodammodo conjungat corpus Salvatoris Ecclesiæ, quam sanctæ Trinitati. Vnde & his verbis subjungit in conclusione operis sui dicens: *Nihil enim habere potest Ecclesia quod ad vitam & pietatem pertineat, nisi quod à capite suo, id est, Christo, acceperit, Apostolo teste, qui in epistola ad Ephesios scribens ait: Benedictus Deus & Pater Domini nostri Iesu Christi, qui benedixit nos in omni benedictione spirituali in cœlestibus in Christo, qui elegit nos in ipso ante mundi constitucionem, qui prædestinavit nos in adoptionem filiorum per Iesum Christum in ipso.* Verum est omnino quod Christus & Ecclesia caput & corpus dicuntur ab Apostolo frequenter. Et ideo una persona sunt; quia & corpus, capitum corpus dicitur, & caput, corporis utique caput. Non enim ad se dicitur caput, sed ad corpus. Sed tamen modus & discretio tenenda est, qualiter dicantur una persona. Neque enim eodem modo quo in filio Dei Verbum, & carnem, unam credimus omnino esse personam, non conjunctam ex duabus

Ephes. 2.

duabus personis, sed ex duabus substantiis; eodem etiam modo creduntur Christus & Ecclesia una esse persona, quæ conjuncta est ex multis personis. quæ unitas personæ, id est, Christi, atque Ecclesiæ, in spiritu utique est, non in corpore. Sic enim docet diligenter Apostolus, dicens: *Nemo potest dicere, Dominus Iesus, nisi in Spiritu sancto.* ^{1. Cor. 12.} *Divisiones vero gratiarum insunt, idem autem Spiritus. Et divisiones ministracionum sunt; idem autem Dominus. Et divisiones operationum sunt, idem vero Deus, qui operatur omnia in omnibus. Unicuique auctem datur manifestatio Spiritus ad utilitatem.* Alij quidem datur per Spiritum sermo sapientiae, alijs autem sermo scientiæ secundum eundem Spiritum, alteri fides in eodem Spiritu, alijs gratia sanitatum in uno Spiritu, alijs operatio virtutum, alijs Prophetia, alijs discretio spirituum, alijs genera linguarum, alijs interpretatio sermonum. Hæc autem omnia operatur unus atque idem Spiritus, dividens singulis prout vult. Sicut enim corpus unum est, & membra habet multa, omnia autem membra corporis cum sint multa, unum corpus sunt; ita & Christus. Etenim in uno Spiritu omnes nos in unum corpus baptizati sumus, sive Iudei, sive Gentiles, sive servi, sive liberi, & omnes uno Spiritu potati sumus. Nam & corpus non est unum membrum, sed multa. Ecce Apostolus evidenter ostendit quomodo credantur Christus & Ecclesia una persona; videlicet, quia uno Spiritu potati, in uno Spiritu baptizati, unum corpus effecti per Spiritum Christi secundum eundem, & in eodem in uno Spiritu singulis hominibus diversæ

D

S. A G O B A R D I L I B E R

gratiæ dantur; ita ut unus ex corpore homo, nos omnes gratias habeant omnes ministrations, omnes operationes infusas in corpore per unum caput Christum. Propter quod dicit in alio loco:
Si quis autem Spiritum Christi non habet, hic non est eius. Si autem Christus in vobis est, corpus quidem mortuum est propter peccatum, spiritus vero vivit propter justificationem. Ecce per Spiritum Christi efficimur ejus membra. Effecti autem membra ejus, Christus in nobis est, & hoc modo caput est nostrum, id est, Ecclesia, qui operatur omnia non in singulis, sed in omnibus. In singulis ergo non omnia, sed aliqua, sicut in omnibus non aliqua, sed omnia. Dividit Spiritus gratias, dividit Dominus ministrations, dividit Deus operationes. Sancta Trinitas, unus videlicet Deus, qui & nunc operatur omnia in omnibus, & in futuro erit omnia in omnibus, & in singulis. Sed quia omnia per mediatorem Dei & hominum fiunt, qui est utique Deus & homo; ideo dicitur & est ipse mediator Christus, caput Ecclesiae. *Omnis viri caput Christus est,* ait Apostolus, (omnis scilicet viri ex quibus constat omnis Ecclesia) *caput vero Christi Deus.* Hoc itaque modo nos Christum & Ecclesiam unam fateamur esse personam. Felix autem, quia quadam indecenti ratione referri dicit ad corpus ea quæ capitis sunt, confirmare nititur quod ea quæ à Christo accipit Ecclesia, illa sint quæ Christi esse astruit, id est, gratia, adoptio, electio, & cetera. Propter quod & testimonio apostolico confirmat & concludit dicens: *Qui elegit nos in ipso ante mundi constitutionem, qui prædestinavit nos in*

Rom. 8.

2. Cor. 15.

2. Cor. 11.

Ephes. 1.

adoptionem filiorum per Iesum Christum in ipso.
 Quasi Apostolus diceret: Deus in Christo nos
 elegit, quando illum elegit; in ipso nos per ip-
 sum prædestinavit in adoptionem filiorum,
 quando & illum prædestinavit in adoptionem
 filij, ut esset secundùm humanitatem adoptivus
 filius. Talis omnino fuit sensus Felicis; & pro-
 pterea de unitate Christi & Ecclesiæ loquens,
 ea quæ capitis sunt referri dixit ad corpus; de
 quibus jam suprà sufficienter diximus, congrua
 adjungentes Patrum testimonia, quæ ostende-
 rent multò aliter intelligendum, ubicunque
 Gratia, Electio, Prædestinatio, Assumptio, vel
 Adoptio sonat in dictis sanctorum Patrum,

XXXVIII. Quod ut facilius nunc iterum
 ostendamus, dicamus exempli causa. Legit Felix
 in B. Augustino, *Verbum Dei gratia suscepit
 hominem*; sed non bene novit discernere cuius
 sit ista gratia, à quo, aut cui largitur. Largitur
 utique à Deo à Verbo Dei naturæ humanæ, ut
 suscipiatur in filio, ut sit cum filio unus filius, &
 habeamus nos in illo primitias substancialiæ no-
 stræ, qui est verus filius, & proprius filius. Non
 enim merito humanitatis illius susceptæ sunt in
 persona Verbi ipsæ nostræ primitiæ, sed miseri-
 cordia & gratia ejus pro nostra redemptione.
 Et hæc est gratia illa quam commendat catholi-
 cus Doctor. Felix autem non ita intellexit; sed
 putavit è contrario hanc gratiam à Patre filio
 largitam, ut dignaretur eum ex humanitatis
 susceptione gratia sibi adoptare in filium. Et hic
 error necessariò exigebat ab illo ut unum è duo-
 bus malis incurreret, id est, ut aut duos filios
 crederet, unum hominem, & alterum Deum;

D ij

52 S. A G O B A R D I L I B E R
aut cùm unum filium diceret , duobus eum me-
dis esse filium Patris confiteretur , verum scil-
let & non verum , proprium & adoptivum , na-
tura & gratia . quæ duo mala advertuntur in li-
teris ejus . quæ utique non adverterentur , ni
illa aliquando ad istum , aliquando ad illum co-
inclinaret , occultissimo Dei judicio permitten-
te . Et quia error terminum habere nescit , ac
hoc devolutus est , ut sicut eum dixit Patri du-
bus modis filium esse , ita diceret & sanctam Da-
genitricem aliter genuisse Deum , & aliter ho-
minem , quasi extra Deum hominem genuerit

X X X I X . Legit etiam Felix in sanctorum
Patrum Hieronymi , Augustini , Ambrosij , Hi-
larij , & Aviti libris , cùm de incarnatione Sal-
vatoris tractaret , intromissum nomen adoptio-
nis , sed juxta modum assumptionis vel suscep-
tionis ab eis positum . quod ille alio & è con-
trario hausit sensu . De qua re ut ea quæ sen-
timus , congruentius proferamus ; ponamus alli-
quam ex illis sententiam tam plenariam , ut ubi
adoptio dicitur , qualiter accipienda sit , ex pre-
cedenti & subsequenti sensibus colligatur . At
itaque beatus Hieronymus in suo brevi & ele-
gantissimo tractatu de similitudine carnis pecca-
ti contra Manichæos : *Denique hoc confirmat pro-
posita ipsa sententia , quæ primum Adam in ani-
mam viventem factum esse testatur , novissimus
in spiritu vivificantem . Ecce quirtam post immi-
meros annos & incomprehensa curricula seculo-
rum ab omnibus mortalibus , à quibus ut qui se-
cundum carnem natus est separatur , quod ille pri-
mus vivens , hoc novissimus vivificans ; ille si-
data vix possidens , hic possidenda condonau-*

Quod & Psalmista duobus versiculis explana-
vit, dicens: *Quid est homo quod memor es ejus,*
aut filius hominis, quoniam visitas eum? Homo,
Adam accipiens est; filius hominis, Dominus
intelligendus est: qui in memoriam veteris visi-
tatur, & in defuncti recordatione spiritu saluta-
tionis impletur. quod ipsa verba exprimunt. ut
rem planam videre non mirum sit, dum & ho-
mini memoria conjungitur, & filio hominis vi-
statio copulatur. Illi mortali quid aliud poterat
superesse? huic vivificanti quid aliud oportebat
infundi? Nam defunctis memoria debetur, vi-
statio viventibus exhibetur, quod utrumque in
Dominum per incarnationem constat impletum, cum
ob primi commemorationem novissimus visita-
tur, & per novissimi visitationem salvatur &
primus. Huic sensui germana est illa senten-
tia: *Primus homo de terra terrenus, secundus è*
cælo cœlestis. *Quis est iste cœlestis?* Sine dubio ille
qui eum quem gestabat in baptimate fecit audi-
re quod ante ipsum nullus audierat: *Filius meus
es tu, ego hodie genui te.* Et qualiter dicitur ho-
die, si in principio Verbum, & Verbum apud
Deum, & Deus erat Verbum. quia non est istud
Verbum quod semper in Patre, & apud Parentem,
& cum Patre fuisse esse credendum est; sed homo,
quem in gratiam salutis Deus Verbum suscep-
rat, audivit. Hic filius hominis per Dei filium,
Dei esse filius in Dei filio promeretur. nec ado-
ptio à natura se jungitur, sed natura cum adop-
tione conjungitur. quoniam cum Verbum caro
factum est, non per assumptam decrevit assump-
tor, sed in assumente crevit assumptio. Creature
enim poterat per creatorem infirmitatis substanc-

Psalm. 8.

Hebr. 2.

1. Cor. 15.

Matth. 3.
Hebr. 1.
Ioan. 1.

D iii

34 S. AGOBARDI LIBER

tia commutari , creatoris autem in creaturam non poterat æternitatis natura converti. Et ideo cùm dicitur ; Prior homo de terra terrenus , se-

1. Cor. 15.

cundus è cælo cœlestis ; non corporis materia separatur , sed forma vitalis ; nec caro tollitur , sed carnis susceptor ostenditur , ille , inquam , qui in Evangelio ait , Vos de inferioribus estis , ego de superioribus sum. De superioribus ait , non utique fiderea carne , sed virtute divina. Ecce beatus Hieronymus , postquam dixit , nec adoptio se jungitur à natura , sed natura cum adoptione conjungitur , ut ostenderet quæ esset hæc adoptio , adjunxit : Quoniam cùm Verbum caro factum est , non per assumptam decrevit assumptor , sed in assumente crevit assumptio. Quod supra dixit adoptio , hoc inferius subjecit assumptio ; & quam supra dixerat naturam , explanavit subdendo assumptorem & assumentem. Nihil ergo aliud hīc significat adoptio quām quod assumptio ; & nihil omnino aliquid tale hīc demonstrat tota beati Hieronymi sententia , per quod suspicari possimus ita eum sensisse , ut Dominum nostrum Iesum Christum secundūm humanitatem Dei Patris adoptivum filium credendum doceret. Quia cùm dicit adoptio , & natura assumentis , & assumptio , assumpta , & assumptor ; nihil horum ad Patrem referri videtur , sed de duabus tantum substantiis , ex quibus constat una persona unici & veri filij Dei , tractari cognoscitur. Et ut pleniū dicamus quod sentimus , adoptata est natura humana , id est , suscepta vel assumpta in persona filij à filio ; ut cùm ipse esset filius , non alio , sed eo modo quo erat & antea filius . & hoc est quod dicitur , non per assum-

Ioan. 8.

ptam decrevit assumptor, sed in assumente crevit assumptio.

XL. Iuxta igitur hunc modum & ceteros Doctores dixisse & sensisse, ubicunque nomen & verbum adoptionis in fide dogmatibus inseruerunt, credimus. Dicit itaque beatus Hilarius: Hilarius l. 2.
de Trinit. sub finem.
Parit virgo, partus à Deo est. Infans vagit, laudes dantes Angeli audiuntur. Panni sordent, Deus adoratur. Ita potestatis dignitas non amittitur, dum carnis humilitas adoptatur. Sed statim post paululum subjungit dicens eum in carnis assumptione hominem, Deum verò in gestis rebus existere. Paulò namque superiùs dixit: *Postremò una cum Iudeis irascantur iidem heretici, quod Christus sibi proprium Patrem confitens, Deum aequalē se fecerit Deo; & unā cum his audiant, Vel operibus credite meis, quia ego in Ioan. 14. Patre, & Pater in me est. Vnum igitur est hoc immobile fundamentum, una hæc felix fidei petra, Petri voce confessa, Tu es Filius Dei vivi.* Matth. 16.

Ecce admirandus Doctor dicit quod Christus proprium sibi Patrem confiteatur Deum. Nempe si proprius Pater, non adoptans, sed generans, proprius filius, non adoptatus, sed natus.

XLI. Beatus quoque Avitus, Photinianorum hæreticorum validissimus expugnator, scripsit dicens: *Certè circumfrementibus Iudeis Avitus ep. 2.* *& in Dominum nostrum exerta blasphemiorum tela vibrantibus, quem respondisse credimus, Amen dico vobis, ante Abraham ego sum, nisi* Ioan. 8. *quia per concordiam genitoris & generis ipse per traducem maternorum parentum descendit ex Abraham semine, qui sine annorum numero Abraham precepit eternitate? Qui maximus Patriar-*

D iiiij

56 S. AGOBARDI LIBER
charum, cùm videret illum diem, in quo sine fin
permanet Deus, concupivit tamen illum viden
quo homo unitus est Deo. Vedit, inquit, & gavi
sus est. quia sicut cernebat illum in quo erat ge
nuina maiestas, ita & istum desiderio conceperat,
in quo adoptata illustrabatur humilitas. Sed
quia hæc dicens, nec credidit nec docuit Domini
num nostrum adoptivum esse filium juxta hu
manitatem, apparet ex eo quod ibidem præmi
sit dicens: *Apostolus autem dicit, Postquam vi
rò venit plenitudo temporum, misit Deus filium
suum. Enimvero qui mittitur, erat antequam
mitteretur. Quia si ante Mariam non fuisset,
hunc similem ceteris adoptio faceret Dei filium,
non natura. Nec in Evangelii ipse dixisset:
Tantum dilexit Deus mundum, ut filium suum
unicum daret. Non electum ergo ab ipsa ineffa
bili paternitate, sed genitum; cui tam Deo
quàm homini vero, in utraque natura fideliter
proprio, in divinitate emanasse de Patre, in cor
pore cœpisse de matre.* Ecce catholicus Doctor
veridicè contra Felicem testatur, quòd Domini
nus noster nec adoptione nec electione sit filius
Patris, sed genere & proprietate.

X L I I . Beatus etiam Papa Gregorius cùm
exponeret verba Heliu, ubi dicit, *Ecce Deus
excelsus in fortitudine sua, & nullus ei similis in
legislatoribus*, dixit: *Legislatores cunctos dicere
possimus, quos ex lege admonuisse recta populum
scimus. Sed huic mediatori in legislatoribus si
milis nullus est. Quia isti gratuissimamente vocati,
ex peccatis ad innocentiam redenunt; & ab his qua
in semetipsis experti sunt prædicando alios redu
cent. Redemptor autem noster, homo sine peccato*

*Avitus ep. 28.
Galat. 4.*

Ioan. 3.

*S. Gregor. lib.
27. Mor. in lib.
cap. 1.*

est, filius sine adoptione. Ecce eximus Doctor dicit Dominum nostrum filium sine adoptione: qui profecto si sciret duobus modis eum esse filium Patris, id est, secundum humanitatem adoptione, secundum divinitatem natura, nunquam illum diceret filium sine adoptione.

XLI III. Fidentius vero quidam catholicus Doctor cum similiter doceret proprium & verum esse filium Dei Dominum nostrum, expoenens locum illum Evangelij, ubi transfigurato Domino in monte, facta est vox Patris ad Apostolos dicens, *Hic est Filius meus dilectus*, dicit: *Ideo, elevantes oculos Apostoli, neminem viderunt nisi solum Iesum, ne & ipse filius hominis, sicut Moyses & Helias, vel ceteri sancti, putaretur homo Dei, & aquaretur cum adoptivis Dominus majestatis.* Ecce & hic pietatis Doctor eum quem dicit non aequandum adoptivis, filium hominis nominat: quem utique si sciret adoptivum secundum carnem, nominans eum filium hominis, non sic discerneret ab adoptivis ut Dominum majestatis.

XLIV. Beatus quoque Augustinus, cum exponeret epistolam beati Pauli Apostoli ad Galatas, & pervenisset ad locum ubi dicitur, *At ubi venit plenitudo temporis, misit Deus filium suum factum ex muliere, factum sub lege, ut eos qui sub lege erant redimeret, ut adoptionem filiorum reciperemus, post aliqua quae ad expositionem horum verborum pertinebant, subjunxit dicens: Nec dixit idem Apostolus, ut adoptionem filiorum acciperemus, sed reciperemus; ut significaret hoc nos amississe in Adam, ex quo mortales sumus. Hic enim adoptionem reci-*

58 S. AGOBARDI LIBER
pimus. quod ille unicus non deditatus est parti-
patione naturae nostrae, factus ex muliere. Sed si
praedictus Doctor in his verbis ita nos sapere
voluisset, ut unicum filium Dei Dominum no-
strum duobus modis Deo Patri filium confite-
remur, id est, natura, & adoptione, nunquam
iterum taliter doceret, ut in expositione Psalmi
octogesimi octavi docuit, dicens: *Quis in nu-*
bibus æquabitur Domino? Et quis similis erit
Domino in filiis Dei? Ergo nemo in filiis Dei si-
milis erit filio Dei. Et ipse praedictus est filius
Dei, & nos dicti sumus filii Dei. Sed quis similis
erit Domino in filiis Dei? Ille unicus, nos multi,
ille unus, nos in illo unum; ille natus, nos adop-
tati; ille ab eterno filius genitus per naturam,
nos à tempore facti per gratiam; ille sine ulla
peccato, nos per illum liberati à peccato. Qui
ergo in nubibus æquabitur Domino, aut quis si-
milis erit Domino inter filios Dei? Ecce illustris
Doctor praedicat Dominum nostrum nativitate
esse filium, non adoptione, dicens; *Ille natus,*
nos adoptati; ille ab eterno filius genitus per na-
turam, nos à tempore facti per gratiam. Quia
proculdubio qui nascitur, non adoptatur ei de
quo natus est; & qui adoptatur, non de illo na-
scitur à quo adoptatus est; sed nisi natus, adop-
tari non potest. Natus enim de altero, adoptatur
ab altero. Dominus autem noster, quia non est
natus de altero patre, non adoptatur à Deo Pa-
tre. Quia verò nascitur ex Deo Patre, neccùm
homo sit, adoptatur à Patre; quia in assumptio-
ne carnis non fit alter; sed is qui erat Deus, ef-
ficitur homo, Deus natus sine initio propter se,
homo natus à certo initio propter nos, unus &

unic
part
litati
est &
est,
nos c
pote
nunc
fit ni
Prop
tate
rior
diffé
discr
tas,
sunt.
senti
vive
rum.
fecul
—
AD
D
C
dovv
sto,
rum
vos a
ctore
sariis

unicus, proprius & verus. Nec propterea, quia particeps fieri dignatus est substantiae & mortalitatis nostrae, particeps etiam factus credendus est & conditionis; cum nos, ut supra jam dictum est, conditione nascamur, ille misericordia; nos debito moriamur, ille potestate; nos illius potestate de filiis irae efficiamur filii Dei, ille nunquam talibus obnoxius, nihil aliud esse possit nisi filius proprius & verus æterna nativitate. Propter quod etiam cum ipsa assumpta humanitate unus est verus Deus cum Patre, non posterior, non minor Patre, aut Spiritu sancto, non differens majestate, non impar potestate, non discrepans operatione. Sancta enim haec Trinitas, discreta personis, non separabilis, unum sunt. Unus est, non in una essentia, sed una essentia, una substantia, uno nomine, una natura, vivens & regnans, sine recordatione præteritorum, sine expectatione futurorum, per omnia secula seculorum. Amen.

AD EVNDEM IMPERATOREM,

DE INSOLENTIA IUDÆORVM.

CHRISTIANISSIMO, & verè piissimo, & in Christo victori ac triumphatori Hludovico Imperatori felicissimo, semper Augusto, Agobardus abjectissimus omnium servorum vestrorum. Cum Deus omnipotens, qui vos ante tempora præscivit & præordinavit rectorem pium futurum temporibus valde necessariis, sublimaverit prudentiam vestrarum & stu-